


漆

水集上

正



閑閑老人滄水文集

卷之四

知不足齋

藏書

藏書

學以儒為正不純乎儒非學也夫以理為主本於理非文也
自魏晉而下為學者不究孔孟之旨而溺異端不本於仁義之
說而尚夸辭君子病諸

同書

今禮部趙公實為斯文主盟近自擇其所為文章釐為二十卷
遇以見示予披而讀之粹然皆仁義之言也蓋其學一歸諸孔
孟而異端不雜焉故能至到如此所謂儒之正理之主盡在是
矣天下學者景附風靡知所適從雖有狂瀾橫流障而東之其
有功吾道也大矣余生多幸得從公游然聾瞽無與予視聽故
不足知公後生可畏當有如李之尊韓蘇之景歐者出焉余雖
老矣猶幸及見之元光二年歲次癸未冬十一月庚戌日前翰

林學士中奉大夫知制誥臯平洛揚雲翼引

不長味公... 亦與合直也... 夫天下學... 虛而具... 聖如見... 今野暗... 臨而尚... 月野... 聖老... 關關...

閑閑老人滄水文集目錄

卷第一 西園

太學

原教

中說

庸說

黃河九昭

發源

化道

匡俗

鍾粹

性道教說

誠說 山刺古

和說 山刺

和說 山刺

然流

通塞

避礙

入海

通天

詠歸辭

卷第二

古賦

大椿賦

栖霞賦

叢臺賦

解朝醒賦

海青賦

及小山賦

琅山賦

感華山懷古賦

擗蓬賦

遊懸泉賦

無盡藏賦

拙軒賦

遊西園賦

律賦

心靜天地之鑑賦

卷第三

古詩

雜擬十首

秋日郊行

初望少室

廬巖

龍門

過陸渾山

至日感事

遊玉泉山

陪趙文孺賦雪

岢嵐賦雪

望北山雲

韓信廟

花下墓

漸臺行

秋懷

三五七格

做嚴武臨邊

遊箭山

做太白登覽

閩山懸岩寺

海月山

松栝

霜葉

遊紫霞山

題大令冠軍帖

遊西山寺

擬李長吉

歲暮言懷

冬至

重九冷翠軒

題東坡眉子詩

風琴堂

聽雪軒

遊崆峒山

題楊秘監画馬

雲巖寺

江岸艤舟圖

香山飛泉寺

東坡赤壁圖

伯時画九歌

做張志和西塞二首

秋江捕魚圖

夫道相馬圖

做王摩詰

送李按察十首

春水行

涿郡先生廟

扈從行

謁太清宮

遊醉翁亭

陽冰篆

送墨李道士

送李天英

遊大寧寺

卷第四

古詩

古和淵明擬古九首

中秋

遊冠山寺

遊鵲山

雛鷹

遊晉寺

遂初園八詠

遊初園

歸愚症

閑閑堂

琴筑軒

佇香亭

味真庵

悠然臺

渙樵閑話圖

華清宮圖

喜雨分韻

次伯陽九月詩韻

九月登繁臺寺

新添

送雷希顏

做玉川子

做樂天

做即士元

從軍行

雪谷晚裝圖

題魯直黃庭經

紅梅

海棠

冷山行

和淵明歸田園六首

老柏圖

夢登華山

雲溪圖

過廣武山

河中八詠

夷齊墓

舜井

逍遙樓

觀鵲樓

汾陽王像

吳生畫

維摩像

先公碑

祀后土

會靈觀即事二首

題石鐘乳山記

蓮峯小隱圖

祭太一二首

河山形勝圖

春雪

賦梅九山

卷第五

古詩

題畫東坡二首

擬陶和許至忠二首

題牧頭扇頭

采菊圖

贈眼醫

釣圖

聽雨軒

擬東坡適三適

且起曠日

午窓爆背

夜卧坑煖

做聖俞月出斷岸且一首

長白山行

渡水僧二首

時雨

皇武

子產廟

過湖城

過閩鄉

含元殿

過乾陵

發秦社

傲淵明自廣

遊華山

擬和韋蘇州二十首

西澗

煙際鍾

西塞山

山耕叟

上方僧

詠夜

詠聲

寄全拈道士

遊溪

秋齋獨宿

聽嘉陵江水聲代深師答

呈五

演師西齋

遊開元精舍

谷山中道士

西樓

琅邪寺

擬漠漠來帆重溟溟去鳥遲

擬何時風雨夜復此對牀眠

擬綠陰生畫舞孤花表春餘

擬兵衛森劍戟燕寢凝清香

送麻徵君

飲馬長城窟行

猛虎行

做老杜無家

做劉長卿出塞二首

揚妃墓

李夫人墓

贈延安滋戒師

卷第六

律詩

塞上四首

寒直

三山渡口

西陵

光武廟

正覺院

開元寺

散策

陸渾

梁園中秋

梅和尚即使挽詞二首

温妃挽詞二首

和西溪歸隱

春獄中

徙倚

西山寺二首

赴寧化

觀音院

北垞

蘆茅山

荷葉平

管州道中

瑞柏堂

謁北嶽

過黃崖二首

寄王伯宜

咸平道中

慶雲道中

中秋金河感懷

登巢雲樓

和揚子元二首

松下獨酌

松山道中

登翠巖三首

登憫忠寺閣

宿崔家庄

過潯水

通許道中

廬州城下

章宗挽詞

暮春

汝麓酒尊

湧雲接雨

窮愁二首

和潘師韻

和政老九月韻

贈茅先生

大雪二首

雪霽

十月菊

白雁

雪

野菊

嶽觀

秋雨

手搗搗皮彈琴圖

早出新安

明惠皇后挽詞四十首

雪中登真定閣

河上二首

連雲潮退

即山雜詠

天城

馬耳峯

仙人峯

摩雲峯

獨冠峯

五芝峯

鬱秀峯

漸雲峯

上龍門

下龍門

遊崆峒四首

奉命奏誥山陵四首

青龍洞

仙人橋

翠屏山

叅雲亭

卷第七

律詩

春山詩意圖

春日即事

酷暑二首

棕扇

三臺懷古

寄王學士

登友雲樓

除日二首

娛暉軒

馬頭山清居院

松声

抹里湛酒

連雲島望海

庚申元日

送張仲山

和林卿錦波亭韻

白霄雜興十首

白霄

南園

翠微軒

鎮國寺

七金山寺

野香亭

靈感寺

蘭若院

金河寺

趙園

扈蹕萬寧宮

琵琶嶺

拂雲平

金蓮川

五月牡丹

和王正之寄遠二首

甲子元日大安早朝

紅梨花應制

轅門不寐

寄懷

賦雪和張子野韻

高士畝

重陽後雪

遇代

靜陽後道中

題榮歸堂

遊却家滌二首

題聚扇

慶清獻公八帙壽

上方

題荷篠圖

遊上清宮二首

送月上人

登安定閣

嘉禾合穎應制

黃鸝鵲應制

寄陳正叔

勝磨鏡李先生

記夢

登天壽閣

和劉雲卿

和種竹

寄元裕之

送宋飛卿二首

至日次劉雲卿韻

百五日獨游西園

題明皇劍閣圖

和欽止河中即事

弔元用之

古瓶贈姦

雪意

栗

憶橙

射虎

冬至

菊二首

九月十一日夜對月

答趙慶之節使

題劉萊州像

九月會極目亭

過揚太尉墳

過邠州二首

過慶陽

暮春得寒字

秋雨

百塔

過石氏園

上巳遊西園

挽劉雲卿

擬宮直雪作應制

三月見梅花

春寒花較遲

殘梅

杏花

慶叔猷七十二首

訪天寧周老

卷第八

律詩

春遊四首

題扇頭

平湖戲鴨圖

暮春

正覺院

登嵩頂

嵩山道中二首

石樓

香巖寺壁

題南城樓

三學院對月

題扇頭

回春谷

清居寺留題

登萬聖閣

馬邑

趙橋

鷄鳴山

盧溝

漁陽道中

達北京

龍山怪松

東京見梅

遼東

北都雪望

北都小雪

襲香亭二首

錦波亭

雨晴二首

靈感寺二首

鷄鳴山下橋

和舜元二首

聖安小集

和子約立春

三青園

古北口

撫州二首

北苑寓直

寓望

戴花

玉堂二首

西溪

夏直

過邯鄲

臨沼

真際相

溇沱

題職貢臨本二首

墨梅

香山

夏日

太寧吟詩臺

涑陽道中

狄梁公廟

燕

靈峯院

湧雲樓雨二首

樓上二首

登晉陽閣

中山會故人

下直

潭上二首

宿王佐

燕子齋三首

送人之河州

黃山寒驢齋

中秋日郊外遇雨

登安定閣

滎陽古槐

虎牢

新安道中

卷第九

律詩

河上公廟

華山四首

濟源四首

稠桑谷遇雨

雨晴

山行四首

一雨

和揚尚書之美韻

湖山橫幅四首

古柏怪石齋三首

雪望

蟬

三蘇帖

即事

宿朱家寺

金水河

晚登太史臺二首

管幼安濯足圖

題長江圖

紫蠟梅

雙鹿圖

坡陽歸隱圖

九日繁室寺

道傍古槐

昭君出塞圖

子卿歸漢圖

春山高隱圖

同樂園二首

遊上清宮二首

中年陽冰篆

過揚太尉墳

過長安二首

草堂

過咸陽二首

題東坡與佛印帖

呼羣鳴鹿二首

五嶽觀四絕

晝

夜

曉

暮

荔枝圖

臨韓幹馬

戴梅

紅溝

遊崆峒四首

題東巖讀書堂

哀李平父

洮石硯

跋黃華墨竹二首

閏八月十八日會同館諸公同賦五首

馬上見桃花

列子廟二首

翠微寺二首

宿索水

平原店逢夏使

暮春用寒字韻二首

初聞鴈

宿遂初園

卷第十

雜體

擬元禎長慶新體戒諭

論陝西東西路行省諭

詳門書

答夏國告和書

迴宋國賀正旦書

迴宋國賀萬年書

迴夏國萬年節書

統軍謝免罪表

進呈章宗實錄表

上尊號表

平章謝撫諭表

皇妃起居表

百官居起表

閏月表

樞密左丞授平章政事謝表

謝宣慰賜夫人葬賻贈表

平章授左副元帥謝表

左副元帥謝宣賜表

謝宣諭生擒賊將表

謝宣諭破蔡賊表

丞相謝過表

禘禮慶成表

平章乞致仕表

賀立皇太子表

左叅政乞致仕表

宰相為蝗生乞免表

冊封高麗王誥冊文

前御史大夫張鼎贈父莘卿誥

叅知政事李蹊授左丞誥

許道真致仕誥

道陵真妃制

卷第十一

神道碑
郭公碣銘

梁公墓銘
姬平叔墓表

崔公墓銘
王楊二君死節銘

遺安先生言行碣
任子山壙銘

張文政碑
党承旨碑

卷第十二

神道碑

史少中碑
張左丞碑

廣平郡王完顏公碑
劉君遺愛碑

祁忠毅傳

卷第十三

記

適安堂記

寓樂堂記

石橋記

道學齋記

種德堂記

湧雲記

遂初園記

雙溪記

寶墨堂記

希夷先生祠堂記

葉縣學記

裕州學記

卷第十四

論

摠論

西漢論

東漢論

魏晉正名論

蜀帝正名論

唐論

知人論

遷都論

侯守論

直論

卷第十五

引

党竹溪文集引

法言微志隱

道學發源引

箋太玄贊引

中說類解引

貞觀政要申鑒引

尚書無逸直解引

送麻徵君引

卷第十六

頌

禘禮慶成頌

駕幸宣聖廟釋奠頌

顯宗御書藏秘閣銘

聖德頌

卷第十七

歲

御史箴

驪山銘

少室崩石銘

時習齋銘

日省齋銘

習齋銘

思齋銘

克齋銘

誠齋銘

富義堂銘

娛室銘

東坡真贊

闕里升堂圖

張清猷公贊

卷第十八

祭文

宣宗謚議

明惠皇后謚議

宣宗哀冊

祭姬平叔文

明惠皇后哀冊

李中丞青詞

袁先鋒副統辭

祭劉雲卿文

祭薛威儀文

卷第十九

書啟

請王教授書

谷李天英書

谷麻知幾書

遺張子和書

卷第二十

題跋

跋東坡四達齋銘

跋米元章多景樓詩

題涪翁草書文選詩後

東坡書孔北海贊

題異壺圖

書雷司直奏牘後

書曹忠敏公碑後

題東坡與王定國帖

題楊少師侍御帖

題三仙帖

題楊少師書陰符經後

題竹溪篆

題竹溪黃山書

題巫山後圖

題東坡乞常州奏草

題山谷草堂

題東坡寄無盡公書後

題田不伐書後

題紫陽公銘後

題南麓書後

題致叔書嵇叔夜養生論後

題劉伯深西巖歌

題黃山書後

題米元章修靜語錄引後

閑閑老人神道碑附于後

閑閑老人滄水文集目錄終

閑閑老人滄水文集卷第一

大學

金滄水外趙東文周臣撰

原教

夫道何謂者也摠妙體而為言者也教者何所以示道也傳道之謂教教有方內有方外道不可以內外言之也言內外者人情之私也聖人有以明夫道之体窮理盡性語夫形而上者也聖人有以明夫道之用開物成務語夫形而下者也是故語夫道也無彼無此無小無大備萬物通百氏聖人不私道道私聖人乎哉語夫教也有正有偏有大有小開百聖通萬世聖人不外乎大中外聖人乎哉吾聖人之所獨也仁者人此者也義者宜此者也禮者體此者也智者知此者也信者誠此者也

天下之通道五此之謂也五常之目何謂也是非孔子之言也
孟子言四端而不及信雖兼言五者之實主仁義而言之於時
未有五常之目也漢儒以天下之通道莫大于五者天下從而
是之揚子曰事繫諸道德仁義禮闢老氏而言也韓子以仁義
為定名道德為虛位闢佛老而言也言各有當而已矣然自韓
子言仁義而不及道德王氏所以有道德性命之說也然學于韓子
而不至不失為儒者學王而不至其蔽亦至于佛老流而為申
韓何則道德性命之說固聖人罕言之也求其說而不得失之
緩而不切則督責之術行矣此老莊之後所以為申韓也與過
於仁佛老之教也過於義申韓之術也仁義合而為孔子孟子
法先王荀卿法後王荀孟合而孔子

性道教說

性之說雜言也何以明之上為者雜佛老而言下為者兼情與
才而言之也佛則滅情以歸性老氏則歸根以復命非吾所謂
性之中也荀卿曰人性惡揚子曰人性善惡混言其情也韓子
曰性有上中下言其才也非性之本也記曰人生而靜天之性
也又曰中者天下之大本也此指性之本体也方其喜怒哀樂
未發之際無一毫人欲之私純是天理而已故曰天命之謂性
孟子又于中形出性善之說曰惻隱也羞惡也辭讓也是非也
孟子學於子思者也其亦異於曾子子思之所傳乎曰否不然
也此四端含藏而未發者也發則見矣譬言之草木萌芽其茁然
而出者无直間有不直物礙之耳惟大人為能不失其赤子之

心此率性而行之者也故謂之道人欲之勝久矣一旦復求其
天理之真不亦難乎固當務學以致其先先知明乎義利之辨使
一事一物了然吾胸中習察既久天理日明人偽日消庶幾可
以造聖賢之域故聖人脩道以教天下使之過人欲存天理此
修道之謂教也孟子之後不得其傳獨周程二夫子紹千古之
絕學發前聖之秘奧教人於喜怒未發之前求之以戒慎恐懼
於不見之聞為入道之要此前賢之所未到其最優游乎其
徒遂以韓歐諸儒為不知道此好大之言也後儒之扶教得聖
賢之一体者多矣使董子揚子文仲子之徒游于聖人之門則
游夏矣使諸儒不見傳注之季豈能遽先毛鄭哉聞道有淺深
乘時有先後耳或曰歐韓之學失之淺蘇氏之學失之雜其如

雜也

不純何曰歐蘇長於經濟之變如其常自當歸周程或曰中庸
之學孔子傳之曾子曾子傳之于思而後成書不以明告羣弟
子何也曰詩書執禮皆雅言也雅言猶言素所言耳至於天道
性命聖人所難言且易之一經夫子晚而喜之蓋慎言之也孟
子不言易荀卿曰始予為士終予讀禮于時未嘗言易後世猶
曰孟子不言易所以深言之也聖人于尋常日用之中所語無
非性與天道故曰吾無隱乎爾但門弟子有不知者迨子貢曰
夫子之言性與天道不可得而聞也子貢聞一貫之後蓋知之
矣然亦未嘗以窮高極遠為得也自王氏之季興士大夫非道
德性命不談而不知篤厚力行之實其蔽至於以世教為俗季
而道季之蔽亦有以中為正位仁為種性微為佛老而不自知

其敵反有甚于傳注之夸此又不可不知也且中庸之道何道也天道也大中至正之道也典禮德刑非人為之私也且子以為外是別有所謂性與天道乎吾恐貪高慕遠空談無得也雖聖學如天亦无自近始然則何自而入哉曰慎獨

蘇黃門云喜怒哀樂之未發謂之中即六祖所謂不思善惡之謂也發而皆中節謂之和即六度萬行是也蓋田呂氏曰寂然不動中也赤子之心中也伊川又云性乎天道中也若如所論和固可位天地育萬物矣只如不思善不思惡寂然不動赤子之心謂之中果可以位天地育萬物乎又言性與天道中也何不言喜怒哀樂未發謂之性與道即或者謂物物皆中且不

可溟滓其說請指眼前一物明之何者謂中

只如權衡如何得亦中之類

雜佛老之說而言之而明聖人所謂中也或云無過與不及之謂中此四者也巳發而中節者也言中庸之道則可言大本則未可着然則寂然不動赤子之心皆中正也非耶

試論之曰不偏之謂中不倚之謂中中者天下之正理夫不偏不倚正理似涉于喜怒哀樂已發而中節者也然未發之前亦豈外是哉孝者固不可求之於氣形質未分之前老胞胎未具之際佛只於尋常日用中試體夫喜怒哀樂未發之際果是何物耶此心未形不可謂有尤有事焉不可謂無果喜與果怒與喜怒且不可得尚何過與不及之有耶亭當至公至正無一毫之私意不偏於一物當是時不謂之中將何以形容此理

其散反有甚于傳注之夸此又不可不知也且中庸之道何道也天道也大中正之道也典禮德刑非人為之私也且子以為外是別有所謂性與天道乎吾恐貪高慕遠空談無得也雖

聖人如天亦九月近始然則何自而入哉曰真蜀之文也

心虛則萬象皆靈形低則百感無朕可以游于太始可以陶
身德元可以盪我神于八荒之表可以約吾身于一掬之前

六句補在游靈境白前滿之及滿白後

物來自能順受事于己不為束纏

二句補在去然字下
若西用智白前

功之化機三純六字補在及其至之三上

不情正理化法于喜然易其心身用中者未也
豈外是執夸者固不可求之於氣形質未分之前若胞胎未具之際佛只於尋常日用中試體夫喜怒哀樂未發之際果是何物耶此心未形不可謂有元有事焉不可謂無果喜與果怒與喜怒且不可得尚何遇與不及之有耶亭當至公至正無一毫之私意不偏於一物當是時不謂之中將何以形容此理

哉及其發之於人倫事物之間喜無過喜喜所當喜怒無過怒
怒所當怒只是循其性固有之中也其間不中節者人欲雜之也
然則中者和之未發和者中之已發中者和之体和者中之用
非有二物也純是天理而已矣故曰天命之謂性中之謂也率
性之謂道和之謂也所以不謂之性與道者蓋中者因無過與
不及而立名所言中以形道與性也言各有當云耳何以其知
為天理今夫天地之化日月之運陰陽寒暑之變四時不相貸
五行不相讓無適而非中也大夏極暑至於鑠金而夏至一陰
已生隆冬初寒至於凍海而冬至一陽已明庸非中乎后以載
成天地之道輔相天地之宜經綸君臣父子兄弟夫婦朋友之
大經不亦和乎由是而天地可位萬物可育此聖人致中和之

道也曰然則中固天道和入道與曰天人交有之乾道變化各
正性命中也保合太和乃利貞和也民受天地之中也以生中也
能者養之以福和也然則寂然不動赤子之心非中與曰皆是
也方喜怒哀樂未發之時不偏不倚非寂然不動而何純一無
偽非赤子之心而何直所從言之異耳但蘇黃門言不思善不
思惡夫季習之戒情以歸性近乎寒灰槁木雜佛而言也佛老
之說皆非與曰非此之謂也天下殊塗而同歸而一致而百慮殊
塗同歸世皆知之一致百慮未之思也夫道一而已矣而教有
別焉有虛無之道有大中之道不斷不常不有不無釋氏之所謂
中也中論有彼是莫得其偶謂之道樞樞始得乎環中以應無
窮老莊之所謂中也非吾聖人所謂大中之道也其所謂大中

之道者何也天道也即堯舜禹湯文武周孔之道也書曰執厥中
易傳曰易有太極極中也非向所謂佛老之中也且雖聖人喜
怒哀樂亦有所不免中節而已非滅情之謂也位天地育萬物
非外化育離人倫之謂也然則聖人所謂中者將以有為也以
言乎體則謂之不動以言純一則謂之赤子以言稟受則謂之
性以言共由則謂之道以言其修則謂之教以言不易則謂之
庸以言無妄則謂之誠中則和也和則中也其究一而已矣

誠說

夫道何為者也非太高難行之道也今夫清虛寔戒之道絕世
離倫非切于日用或行焉或否焉自若也至於君臣父子夫婦
兄弟朋友之大經可一日離乎故曰可離非道也其所以行之

者一曰誠也誠自不欺必固當戒慎恐懼於不見不聞之際所
以養夫誠也而誠由學始博學審問慎思明辨力行五者所以
學夫誠也故曰不明乎善不誠乎身矣聖人又惧夫貪高慕遠
空談無得也指而示之近曰不欺自妻子始身不行道不行於
妻子使身自刑家家自刑國由近以及遠由淺以至深無駭於
高無眩于奇無精粗大小之殊一於不欺而已所以致夫誠也
不欺盡誠乎曰未也無妄之謂誠不欺其次矣今夫雷始發聲
也蟄者奮萌者達譬猶啐啄相感無有先後及乎十月而動雷
物不與之矣故曰天下動行物與無妄使伏羲垂唐虞之衣裳文
王制周公之禮樂亦妄矣無妄盡誠乎曰亦未也無息之謂誠
天一日一夜運周三百六十五度自古及今未嘗少息也天未

嘗

嘗

嘗一歲誤萬物聖人未嘗一息非天道若顏子三月不違仁其與文王純亦不已則有間斷矣道天其有間乎無息盡誠乎曰亦未也贊化育之謂誠聖人尽其誠以知性盡性以盡人物之性德至乎天則鳶飛戾天德至乎地則魚躍於淵上際下蟠無一物不得其所此成已成物合內外之道也可以盡誠乎曰至矣集未也抑見而敬而信言動而變行而誠猶有言動之迹在至於不動而變不行而誠不怒而威神也不言而信天也上天之載無聲無臭此文王之德孔子之所以為大也

庸說

易稱天尊地卑書稱天秩天序春秋書天王詩稱天生蒸民有則有物明此道出於天皆中庸所謂庸也孟子言經正則庶民

蒸

與此孟子傳於子思子者也經即庸也百世常行之道也親親長長尊賢貴貴而已有親之之等尊賢之差又在夫時中而已此權所以應時變也呂氏論之詳矣見神譬猶五穀必可以療飢乎果可以已病乎樂石必可以治病今夫玉山之禾八瓊之丹則美矣果可以療飢乎果可以已病乎則大高難行之論其不可經世也亦明矣其不及者猶食糠粃而不美五穀之味也故夫接輿之狂沮溺之狷仲子之廉師商過不及高柴之過哀宰我之短喪管仲之奢晏嬰之儉與夫非禮之礼非義之義隘與不恭皆非庸也然則夷齊非即聖人有時而清清而至于隘非庸也有時乎和和而至于不恭非庸也果何者為庸乎

和說

聖人未嘗和說

聖人未嘗無喜天命有德五服五章是也未嘗無怒天討有罪
五刑五罰是也未嘗無哀哀而不傷是也未嘗無樂樂而不淫
是也孰知夫至喜無喜天地变化草木蕃聖人之至喜也至怒
無怒鼓之以雷霆聖人之至怒也至哀無哀寒暑不時則疾風
雨不節則飢聖人之至哀也至樂無樂鳶飛魚躍聖人之至樂也
又孰知夫樂天知命哀之大者也窮理盡性樂之極者也然則
舉八元非喜也誅四兇非怒也號泣乎天非哀也被珍衣鼓琴
非樂也當理而已當理則常也何以謂之和蓋和者因喜怒哀
樂中節而名之也譬如陽并于陰則喜陰毗於陽則怒則亦二
氣之失和也聖人之心無私如天地喜怒哀樂通四時和氣冲
融于上下之間則天地安得不位萬物安得不育四時安得不
順此和之致也

黃河九昭 并引

大安元年余出守寧邊下臨大河登高望遠超然有懷夫崑崙
之道聖源也積石迤之泱聖流也龍門歧之賢化道也仙掌踏
之智通塞也屹以砥柱匡失俗也障以大坵避諸礙也灑以大
陸鍾道粹也播以九河入聖海也授以馬圖道通天也竊以為
有合吾聖人之道因作九昭思聖道之昭也非敢擬諸作者姑
以紓情云耳

發源 其下 泱流 其下 通塞 其下 避礙 其下 鍾粹 其下 入海 其下 通天 其下

發源

古帝賦予以正命兮湛清白之純源水溷泥而變濁兮火鬱煙
而滋昏盍虛已以曼渡求兮寃大中之所存曰道有象兮無其形
其下無尾兮其上無根塞汝兌兮閉汝門天而不入兮見其本
原惟德人之天游兮捷六鑿而不混迄反流而全一兮辨妙本
於崐崙

狀流

鷲鳥將擊兮形兀匿霧豹養班兮毛以澤龍蛇起陸兮伸其屈
草木黃落兮根自浸水不積兮遭吾舟風不厚兮塌吾翼氣何
溽兮將雨明何長霞兮出日時吾蘭兮九畹積吾玉兮十襲壽顏
天兮天地飽夷清兮冰雪飲道德之源流兮導此心之積石雖
不周於今之人兮吾將付萬世兮潮汐

化道

達

霜降兮水歸淵潛兮天飛朝鱗兮水次夕轡兮雲衝風為翼兮
雷為椎駕天吳兮從馮夷晞吾髮兮弱水濯予翼兮咸池東風
飄兮神靈雨水增波兮龍門暮謂鴟運兮何遲謂謂蜻騰兮何
怒連莫速兮蛇骨餘樂莫樂兮縱聲初塗入兮服儒曾行兮閔
趨索芳馨兮為佩御中直兮為車澤身兮德淵練轡兮雲衢登
聖門而化道兮吾將從沂泗之所居

通塞

日有光有雲翳之決之則明水有源有石礙之扶之則通噫聖
道之蕪塞兮孰開明而別聰羸弊兮劉蹶晉矇兮魏聾求蛟螭
兮木末并蚌蟪兮雲中有先覺兮吾誰適從麾韓莊之倚門兮排

釋老之歸宮回狂瀾于既倒兮障百川而朝東侯况侯愈曰軻
曰雄同閻異竇失之相攻嗚呼聖如天王兮彼諸子者亦各諸
侯與附庸無闔牆而外禦兮是亦為大正與至公

匡俗

悲世俗之側僻兮循規矩而說馳摘荒途以冥行兮失大中之
所宜謂荆棘兮可履謂醜毒兮可飴曰先聖聞與我將誕之世
俗詭隘我將証之頽波委靡回而正之吸清露以為餐兮緝雲
霞以為衣御六氣以為駕兮拳蘭杜以為幃道莫正於仁義兮
教莫先於孝慈矯末世之頽風兮還中古之治時屹中流之砥
柱兮溥萬派而東之

避礙

世變萬殊兮不一其時道有時中兮圓方異施或邈而通兮或
直而坻尺有所不足兮寸有所宜羸牛捕鼠兮不如狐狸大阿
補履兮不如兩錢之錐申生以孝斃兮長弘以忠而誅夷尾生
信而溺兮仲子廉而飢言不允信兮行不允果權輕重以適道
兮固無可而不可有孺子歌曰挑花浪兮春月暮竹箭流兮三
山渡雷聞兮風冥兮舟楫摧兮蛟龍怒劃大岷之當前兮洞
滔滔而東驚又歌曰深則厲淺則揭兮冬日羔裘夏葛製兮遇
坎則止乘流逝兮先師有言嘆棠棣兮
春蘭兮紫莖秋菊兮金英折江梅贈所思睇荷花兮思自成襟
風兮佩月飶冰兮飽雪驂鸞兮跨鶴將以朝兮紫闕吸沆瀣兮
餐朝霞茹芝英服瓊茅練玉顏兮不老潔龜腸兮無邪鍾天地

之粹美兮萃日月之光華遊道德之園苑兮馳仁義之園林及
年歲之未暮兮庶無愧於周任

鍾粹

入海

登蓬萊兮歸鰲背此明珠為官闕紫貝此叢珍疊怪瓊琳非此
松喬偃佺戲浮彩此日月出沒歸墟會此鵬鷗運化天地大些
井蛙自囚河伯隘些九川滌源入聖海些

通天

猗聖道之通天兮與河漢以同流浮靈槎以問津兮夕子次夫
牽牛前羲和使弭節兮後望舒以為御左列缺之揚鞭右豐隆
以持斧飛廉為先驅兮屏翳告予以未具幹北斗以斟精招搖
以為楫歷鈎陳而入紫宮兮聞琅琅之天語曰夫人之正心兮

若北辰之居所寂然不動即此心太極兮以游乎万物之祖盍
求復於性初兮執大中以為矩寃性命之所極兮沂濔源於天
渚亂曰河行九區通天淵兮九疇八卦源於天兮一身動靜一
乾坤兮湛然無為守大玄兮

詠歸辭

歸去來兮風乎舞雩詠而歸既勿忘而勿助抑何喜而何悲時
未來而莫預事既往而為進化新新而不停習念念而覺非譬
已飢而方食孰既寒而忘衣無一毫之私意信天理之精微我
思古人瞠乎若奔仰鶩前軌游心聖門習美而察探之斯存坐
見於興飲見於樽利何為兮榮跖善何為兮孔顏匪義路兮為
由匪仁宅兮孰安嚴三省以日啟防六欲而常閑戒屋漏以慎

綱

放

獨尚衣網而中觀存夜氣之精亡收放心而知還漸雲開而霧
 廊俄鳶飛而鯢桓歸去來兮請從沂上之遊悞曾點之舍瑟終
 不慕兮由求既尽心而不貳亦樂天而何憂天地均仁於萬物
 播一氣乎郊疇陸有下澤水有方舟野陽浮兮藪澤光風泛兮
 林丘草漸漸而茁長水源源而交流觀物態之熙熙廓予懷之
 休休已美乎力天力兮時天時我初無將亦無留捨聖道兮將
 安之存心以養性守死以為期慮道學之荒蕪遂日耘而日耘
 廓七篇分孟訓詠二南之周詩會天人而一貫窮理盡性吾何
 疑

閑閑老人滄水文集卷第一

閑閑老人滄水文集卷第二

古賦

太椿賦 為黃太守壽
公劉相甥

於此有物焉既澤而堅既蔓而延託根於無何之鄉垂蔭於不
 土之田柅日月而共友券宇宙而爭年歷春秋其幾何老不知
 其歲之八千端策筮之繇日是以江夏為鼻祖小山之外孫者
 耶以孝悌為根本忠信為枝葉者耶有蟬其華富文藻者耶有
 駢其實茂德業者耶松茂柏悅不足以比其壽者耶愚惑不知
 請以椿言

栖霞賦 送道人還山

粵有人兮龍裝芳華跡城郭兮志煙霞賦言歸兮杳何許蹇遲迴

兮徒延佇且闌兮珠宮撫膝上兮
兮王紀玄都兮寶藏祝君王兮萬壽侍玉_宸兮天上昇莫辱兮
多憂樂莫梁兮無求望白雲兮
兮山南_暮遊兮山北徙倚兮亭上
臨深兮翠微西山扶兮曉釀秋水
兮承宇煙銷兮霧散見恒茂兮遠樹
南度忽人歸兮鳥盡但空山兮日暮
兮傷心悲山中兮歸來白首不歸兮
宅翠羽簾白玉額友麋鹿兮侶猿鶴
兮煙霞衣青天成惺兮白露成幃風
淡忘歸山中兮煙霞語黑霓落手
處乘清風兮欲歸去

叢臺賦

歲辛亥之孟冬兮余解印而南歸覽全趙之形勝兮吊荒臺之
故基大行車走以南來兮漳水改道而東馳伊川谷之變易兮
矧人事之推移獨巋然其凌空兮意神物之所護持問父老以
陳迹兮猶有雙塔野花之詩也噫七雄擾：虎戰以龍爭兮譬
事勢於連鷄或爭桑於迤敵兮有以酒薄而名圖朝膏血於秦
韓之草野兮夕暴骨於齊魏之沙陲翫生靈於刀几兮決一旦
之雄雌得地不足以贖民之命兮忍勞民而築斯方主父變服
而事威武兮固一世之雄才收中山林胡為未厭兮又窺秦室
之狼豺歸來置酒迤眺八極兮俯不見蕭牆之孳哉噫程犬之

夢兆兮識百年之厲階何者華之新寵兮宴_也醜毒之孔懷厭
離宮別館之湫隘兮起臺_高之崔嵬笑章華制度之狹陋兮又
况采椽與茅皆輦路縈紆以雲踈閣道行空而飲霓奏金石於
雲端兮况鈞天之夢未迴下仰望而不聞兮微風過而聲哀金
輿王輦君王來其間兮左趙女而右吳娃朝_今琴夜筇而王歌
舞兮梁未極而哀隨探雀鷲於離宮兮豈憶態蟠與豹胎痛父
子斃於一朝兮人亦念骨肉之瘡痍也古往今來日東月西驚
歲律之馳丸悼興_亡之奕替歎趙國之城郭兮變都成邑而變
骨成灰慨平原之池館兮高者榛丘下者荒陂狐兔穴於丘陵
兮草木深於宮闈地荒蕪而獸_奔兮天莽蒼而鳥_馳沈顧寂聽心
傷思推但聞蕭條之聲非竹非絲迫而聽之乃在乎羽蟲之

摩軌與_眾歎之喟吹也嗚呼臺向時之臺也山川花鳥向時之
山川花鳥也山川花鳥不知_能此臺之興廢而臺亦安能知人
之悲歡而人自悲之然則靚粧炫服臺非以為榮也而_荒榛斷
址臺又奚以辱為然而文王之靈臺燕昭之黃金當時稱賢者
之後_梁世為美談之資而是臺也蒙亡國之恥興山木之歌亦
臺之不幸而堪嗤且夫今日之悲昔日之榮也騷人懷之而賦
詠行客過之而嗟啼嗟舊物之都盡獨天留兮此臺閱千秋兮
萬古作龜鑑乎方來意者使一日之梁易萬世之譏也而臺亦
負於後世哉可吊而不_也也亂曰洪波之臺傷周舍於已死兮
後世之君不能起廉頗於_未衰干將之劍恐能誅忠魂於李牧兮
不能斷_舌於郭開繫梁棟兮既折嘻大厦兮將頽非一臺足

悲國無人兮吁可悲辛亥明昌二年也

鮮朝醒賦少作

心怍怍兮危絃月恍恍兮風船頭岑岑其作惡神昏昏其欲眠
安得尤物之蕭爽折朝醒為可伶若天籟金苞之嫩馨膾玉縷
之芳鮮哈酒熟而口哆蟹糟醉而臍團皆足以扶尊前之頽玉
醒坐上之逃禪自蕭閑五憶之外及清翁與坡仙或耳目所不
際蓋亦畧得而言焉又若酪水冰融山黎凍剖西瓜之蜃卵烹
北葵之蛟涎亦足解五更之渴夢快一嚼於水泉至若辣蕪之和
和蒿之醬牛魚醢鹿尾之漿海東頭鵝山西尾羊雉以大保羹
以秦王致以紅腊飯以黃梁然後煎以松風蟹眼之湯燃以清
泉黃串之香已而龍岩雪谿巖巖鳥然而操翰墨行溪黃山揮
玉塵而談冰霜却弓弯而謝珠貫屏水遠與山長笑五斗於竹
林追獨醒於沅湘輾然汗出釋然病已亦可謂彼此一時跨鶴
於維揚者耶

海青賦秦和扈從春水作

霜空蕭條塞草先白海樹無枝海雲寡色黯兮遼迥風悲日匿
何鷲鳥之不群超瀚波而一息爾其俊氣橫鶩英姿傑立頂摩
穹蒼翼迅東極鐵鉤利箭霜排勁翮角膝插腦細筋入骨顧盼
雄毅飛騰滅沒旦寄巢於扶桑夕刷羽於碣石於是乃命虞人
遡風勢增繳設萬里足摯一枝心折遂投軀以委命恥摧翼以
喪節奚奴頭千髯官指百時飢飽以嗾呼謹寒溫之調適臂不
暇弛鈴不停掣猶恐懷林立夢沙磧恨身繫而于留歎碓孤而

雖隻也逮其骨肉融性情習遠龍沙入閭闔蒙禁衛之專寵叨
錦繡之前席思報功於所養甘賈勇於一決既而新陽屆候大
簇司月陽燄浮冰漸坼水溶：而還淥鵝翻：而下啞探使星
馳屬車雷發千輿隱嶙万騎飄瞥上將幸乎光春之中所以觀
民風而宣鬱結龍旂標而致門敞虎旅圍而鼓聲疊忽水擊而
驚飛乍雲翔而成列玉爪翻臂錦條下紕初則水而徐回倏
干雲而上擊雨血紛紜風毛磔裂象廣寒之舞紛霓裳之回雪
似吳宮之戰驚玉顏之喋血壯如破敵勢甚擒賊至如閔羽義
勇張綱奮烈取鯨鯢於堅陣叱豺狼之當轍固亦釋豐狐之九
尾略狡兔之三穴蓋猶賞驥足之神駁且以勸忠於英傑也既
而壽杯舉臣工說天威暢皇恩決背長揚今而趨京闕

反小山賦 并引

無塵道人李天英家海壖得小山竇而字之曰玄峰寢作於
花陰月竇之間適甚為賦閑閑老人笑曰是猶有所待也若
知天壤間皆吾几格間一物又何待輦石於山函花於鼎之
為適哉乃為賦反之

嗟石來前孰形于鑄匪山而拳玉立峴然匪溜而消玉痕隱然
天臺臥雲海濱藉煙幾代子賢幾姓子傳子入吾室吾以子賢
瓊花晚翠醉壁月夕眠我家我林吾以子便我學我仕我以子遷
子豈吾友吾不子捐石不能對請以臆宣自我之石幾世幾年
山非吾名石豈子妍聽其兩忘其樂天也夫鏡中之象亦水中
之象瓶中之泉即澗下之泉吾豈謂竇顧陸之筆不若山林皆

吾之畫圖悅秦巴之音不石禽鳥皆吾之筦絃于以心為物役
智為眾緣不知無塵塵之枉枯于一峰之玄也空花悞大夫之夢
庭柏證祖師之禪無一物之非我君其間諸屏山之散仙

琅山賦

在揚州竟俗謂之即居山峯岫秀 拔頰似必

拔

尾箕之精琳琅之英鐘奇孕秀琅山播形帝敕六丁移來玉京
六龍負北背三山蓬瀛宰豸直上劍拔崢嶸表豸獨立霜秋氣橫
骨非肉附勢敵天勅呀然而門繚然而城其門伊何竅鑿巨靈
隔山見山箭碧紛青素月夕啓白雲晝倚其下雷峽隱隱岫岫
石崖嵌空龍門天成孰剗孰鑿不齶不崩飛泉中來華孽河傾
或溯而流或迴而泓下赴兩洪冰轟雷霆百步之外不聞人聲
蘊蘊隆隆洞譚窈窕石席可踞窪尊可銘浮雲悠悠千古此情

其城伊何繚以重岬疊嶂環抱中心砥平峨而仙峯而亭

有駢斯指有植斯屏摩雲薄日緇河映星千態万狀不可殫名

李白杜陵巨然道寧九原骨醉千日詎醒瘦武畫隱老任墨卿

一朝擲筆萬里騎鯨空峒九華天台四明迴絕人境虛標仙經

神州粵區燕南福庭可杖可履或仕或耕信宿陟降朝昏送迎

春山水流秋空月明岩泉夜落松風晚清游心太何慮何營

華山懷古賦

有浮而清有濁而寧五岳莫形二華削成是其稟金天之秀氣
奄西土而作鎮包瀆閔以為門奄奠乎東并鶉首之分岳之尊
惟天之柱岳之作為世霖雨岳之崇三峰如公阿衡周公承天
之功厥掌伊何兩分其山聖道通塞孟孫楊安韓厥連伊何已

蔡蠲廟上醫醫國雷崩秦和其肅如霜其高如秋威施伊漫為
 山之羞若夫昔之所謂具臣者都山岳之推竊雷雨之施壤開
 千里之真秩視三公之貴危不持而顛不扶則將安用彼相矣
 且夫安昌胡廣之保祿林甫盧杞之竊位其餘刀鋸之餘蓋亦
 未足與諱譬猶有干雲過日之險而不能已山東之亂擘山導
 河之力而不能障漁陽之騎也向者虜頭劉蹶天崩地坼九廟
 灰燼万里喋血陳吳一呼散函瓦裂莽卓盜國內訌外掣揚李
 擅推幽陵竊發僖昭播遷未李猖獗而是山也萃寇盜之淵藪
 為豺狼之窟窟宅宅陸生陸靈靈寄性命於鋒鏑與獸為群以巢為
 室以木為衣以橡為食身為心仇形為影絕惡聞人声愁見日
 月何辜於天使至此極或曰子知其末知其二向者子房運籌

霍光謀謨或啓其心或甚其謀祿產擅推于吕其劉我命平勃
 反正而梳二豎嘯云改唐而周我命五龍夾日而斬潼關之敗賢
 尚父是賴奉天之逼惟西平之力奮然大臣力爭而活國屹然
 如天柱之承西極奈何以人事之一跌而為山靈之責有秦川
 胡老啓齒而笑曰日中有是月有虧盈凡一治一亂乃一昏一明
 福生有基福生有萌山有朽壤故崩血有虫故蠹生謂山蓋高
 浮雲賢之不見其形謂心至靈有物蔽之不見其情夫惡直為
 求說之媒喜譽為招佞之旌驕奢為重斂之階好大為興戎之
 徵是以古之明王弁是而不營於以忠直是旌抑說佞之朋士
 木不飾杜非議之徵平刑釋寃息吁嗟之聲含垢忍耻絕忿怒
 之兵夫然故心定神休嗜慾不生禍亂不作而天下和平天故

亡漢者漢也非莽卓也亂唐者唐也非安史也使漢以秦為鑒
自無兩京之亂使唐以漢為鑒又安有蜀道之竄如何以一餉
之梁而忘累世之患也斯言懷古非止一時往者不可及來者
猶可期

捷蓬賦

釋世累有遠遊兮聊逍遙以倘佯行乎莽渺之野兮歷榛蕪之
蒼蒼攫髑髏以睨視兮嗟遊魂之何方貴賤榮辱香莫訊兮吳
氏族之能詳豈結纓齒劍以身殉難兮將嬰疾之適當寧正身
守道殉宮庭兮抑貧生狗欲以自成以天地為衾枕兮豈必厚
蝼蟻而薄材狼上無君長下無臣僚兮豈必賤奴隸而尊侯王
將蟲臂鼠肝無不可兮抑一氣頓盡死灰之不揚萬物之出入
機兮其孰為之主張聞風仙之高論兮曰死生之未嘗噫造化
之無窮兮何大塊之茫茫千變万化未始有極兮如宿債之須
償老哉松而祖怒兮李探環而姓羊指後期於源澤兮悞前生
於房曾易世而不知兮別億劫之能量歷万世而一遇大聖
兮然後知大夢之何傷黃帝孔子不可問兮將質之於玉皇盪
哀風予也征兮覲金闕而朝寥陽紅雲翳其嬰音兮聞天語之
琅琅曰道非有物乎兮物物以彰其上無始兮其大無愛也泪
而真兮道將汝昌吾以為道兮寄浩劫於迤康聞至言而遂徂
兮蹇予將造乎中黃仍羽人於丹丘兮留不死之異鄉聆古光
王之高風兮屹法海之津梁促也劫於一念兮統萬有於毫鏗
涉流沙而徑西極兮尋白毫之相光曰五蘊非汝宅兮四大非

汝床毋弃溟勃兮認一浮囊觀恒河之不變兮知見性之不二
逮皮膚之脱落兮露法身之堂堂根塵盡而性空兮知見而無
體常悞形骸之非我兮中有不化其存者長惟至人之達觀兮
超宇宙而高驪以陰陽為晝夜兮以死生為康莊知身外之有
月兮亦^性中之不^性混墻壁與瓦礫兮遍法界而不藏於是體
妙心玄辯喪慮忘克以喜之食薰以知見之香散以象外之說
暢以聲前之章逍遙乎無為之業遊戲乎寂滅之場普天壤以
邀觀吾又安知大小之與彭殤也亂曰是身虛空以為量兮堅
固不壞如金剛兮孰為天壽孰舌滅兮翠竹真如非青苗兮
枯木龍吟非宮商兮眼如鼻口道乃將兮

遊懸泉賦

庚午之歲九月既望趙子與客將於承天之廢閤置酒乎妬女
祠之側千山暮蒼素月如拭形與影嬉谷響互答一談一笑超
然自得既而歎曰泉不飛則無聲石不聳則無骨山以秋而殺
瘦境以恒而增寂四者備矣而無勝負以文之境雖奇而不即
於是剗蛇腹之枝以為琴竅^竅鳳膺之管以為笛誦王摩詰常蘇
州之詩所以侑此觴而永今夕少焉動手動息乎息鳴乎鳴嘿
乎嘿入吾耳者瀏以清歷吾目者森以屹金鼓半空聲在映中
道娘子之閨潘美所以下河東者耶棋幟尽拔春染^木未突井陘
之口韓信所以破趙壁者耶迫而察之風落山而泉鳴石也二
客曰未也向者泉出祠下大如車輪下赴絕澗懸流千尺殷晴
空之雷霆飛矢天之冰雪六年於茲而閱其澤子能酌而出之

亦一段之奇特趙子曰泉有時而通亦有時而塞豈我見聞有
通有塞而此見聞復有何物鳩林道人曰物我同源動靜致一
反聞障處聞所不及無聞之聞聞性不絕離見見處見亦不立
無見之見見亦不滅今子以耳聽聲未能眼處聞聲以眼觀色
未能耳聲處觀色故一泉之見為之感也歸語同僚曰此殆維
摩詰也覺而賦之但山高水深風清月白

無盡藏賦

出國門而南驚弓並瀘水而西馳枕房山之東麓兮面萬頃之
蒼波得孤亭之爽塏兮納萬象而君之月娟娟而照席兮風飄
而吹衣帳今夕之何夕兮得二友之追隨於是主詫客曰自有
天地有此江山如我於君與人往還向者與子仰看山俯聽泉

明月侍右清風侍前侯何嘗於方戶買不費於一錢但恐造物
者之惟多取不憂他人之我先者乃秋方半夜既寂流光潑水
素彩沈璧玉虬騰舞金波的礫披蘭泛芷紛紅獵碧送漁舟於
末天飄鄰笛於日夕洗耳盪目清鬼涼鬼忽然不知風乘我而
我乘風客為主而主為客也且予以為其樂如何也雖然世有
汚陰物有成毀向也無今也_也正向也亭今也圯何變化之無常而
人事之不恃也客曰自俗觀之有道代有謝日道觀之無成無
毀君亦知夫物無常時無止乎自觀成則有成自未有觀成則
成亦壞矣自今望昔則有昔以來望今則今亦昔矣由是觀之
方成方虧方生方死雖然此猶有心於去來見在也若其無心
則無此矣且夫水不與風期風來而水波山不與月期月照而

山白庸知夫性空真風性空真月是尚有極耶然則聲塵有尽
所以聲聲者無盡也色塵有盡所以色色者無尽也主人喜曰
今而後知乾坤一亭萬物一藏吾廬尚無恙也

拙軒賦

拙軒

宣撫移刺公築室於私第榜之曰以吾閑閑居士曰余有拙病
似愚而強矯矯亢亢踽踽涼涼人皆喜_圓已獨喜方將適東溟
顧登太行將之陽谷反是_走寒鄉鬼笑揶揄人怒中傷神醫不能
療著蔡不能詳且子以為何如可愈而康也居士曰拙者目拙
吾不知其短巧者目巧吾不知其長或善宦而九卿或白首而
潛郎以俗觀之有窳有良以道觀之孰否孰臧較榮枯於瞬息
等一夢於黃粮神龜曳尾大勝剗腸溧陽抱尾焉知決湯蜂以
密而割蚌以珠而戕掘桓山之石豈若鶻衣之負朝陽憶上蔡
之犬何如羊裘之釣滄浪之天道茫茫何有何亡老龜不爛禍
迨枯桑魯酒水薄邯鄲被殃吉凶無朕智不能量鄙夫目私私
處視福達人觀物我兩忘縱心浩然與道翱翔言未既公笑
曰余病良已謝夫子之愈膏肓也

遊西園賦

九日令辰昏醉趙子獨遊西園蓋故園同樂之地于時天高氣
清風物淒厲草綠慘以斷蔓果紅焉而脫蒂若乃藻局黼階啓
推檻圮曲池荒而飛螢灌木老而雌雉嗟物是而人非何昔榮
而今悴既而登高臺俯清泚天落鏡中水涵空際物無倒影之
心水無涵空之意心與鏡融神會先生一笑而作渺歸鴻於天

外

心靜天地之鑑賦

塵靜萬慮心涵太空廓聖賢之鑑別際天地以融通湛一意之

虛凝不膠於外極兩間而照燭盡在其中天靜為躁之君心者

形之主無營則萬境俱達有蔽則纖毫莫覩觀觀鑑明則塵垢

不止心則喻如心靜則天地之流通鑑斯有取若乃宇有泰定神

則無坐馳是非不得以塵累利害不能以物移明則遠矣鑑無

近斯良以止之鍵五基而不亂復其見也洞萬象以無遺由是

照燭無疆眇綿作炳造化無以遁其跡洪纖無以逃其影良由

體道之冲宅心以靜何思何慮守一性之宮庭不將不迎納萬

殊之光景今夫五色亂目不見泰華之形五音亂耳不聞雷霆

之聲我是以神宇定兮虛而不屈心源瀚兮靜之徐清天地不

能外其照日月不足况其明不然曷以揚子著書云潛則神明

可測莊周抗論謂虛則純白日生豈非心奉一源事周萬變定

而能慮則慮乃有得靜而後應則應不能眩今也守一真於不

動之宅閉六欲以不閔之鍵自然不慮而知不窺而見去智與

故始符顏氏之齋知德與言終契孟軻之辨既而解物之懸淵

之又淵滌玄覽於地開虛明於性天故得其粗則窮事物形名

之理其精則得道德性命之博矣夫然茲為用智之推救於

未形作研幾之妙見吉於先別有不定不亂而心恒如不皦不

昧而用自在以虛為有對也致虛極則無對以靜為有待也守

靜篤則絕其待及其至也寂照不足以名之超入圓通之智海

開闢老人滄水文集卷第二

壬戌十有一月朔日校于武源山中是

日陰暝 清常道人

開闢老人滄水文集卷第三

古詩上

雜擬

未明變氣候大火回西流六龍整征轡倏忽夏已秋
 風霜稜被九州豈不念時節歲律聿其周精衛填真海石安
 所投獨携羨門子高步登崑丘千秋長不老永謝區中囚
 朔風厲嚴氣玄雲結層陰霜雪被原野行李寒駸駸躑躅獸強
 顧驚鳥辭故林路滑踣峻坂綠雲上欵金挽藤斷人迹及畏蛩
 然音藜藿不充腸况乃飢飆侵開門望晴霽白日肯照痛不憂
 凍餒逼所懷四海心聊興漆室嘆不待雍門琴白石淪西圮滄
 海無回波四時更代謝奈此逢暮何我欲制頽光惜魯陽戈憑

高望八荒晴晉迷山河驚風振江海山林無靜柯獸狂走四顧
曠野弥絳羅西登廣武山北顧望三河蓬蒿蔽極日人必虎狼
多喟然發長嘆撫劍徒悲歌

猗猗南山竹並生凡卉叢歲晏多霜雪見別蕭艾中戔欲食鵝
鵝千歲不一逢留之和律呂截作嶰谷筒一變為清商日暮來
悲風清泉溉石根上有白雲封虛心抱靜節知音為唯容不如
歸去來一笑釣清澧

猗猗竹與桐並生江之潯朝日照孫枝夕風振瑤林鳳皇天外
來飛下玉山岑棲枝食其實氣類無幽深變倫不世出斤斧儻
見尋一截嶰谷管一製薰風琴偶蒙識者賞無窮出清音九
齡起韶州姜子家海南又如帝室寶海底珊瑚金人生有南北此
道無古今迢迢龍江上鴻鴈万里心晚菊有正性託根寒水津
不隨黃葉秋况爭紫蘭春依依抱晚郎冷艷排霜晨日暮碧雲
滋折花思遠人鴻鴈不我待霜露日夜新願言垂採摘歲晏委
荆榛

空齋日無事起坐橫鳴琴明月入我牖照見萬古心古風不漫
還中有太古音置琴挂壁上吾道無古今

戚戚去故里辛苦從軍行黃河翳白骨麟閣誰功名西北秋風
至日暮愁雲生火燒白草崗水斷黃河聲天寒馬毛縮仰天為
悲鳴男兒貴死難義重鴻毛輕南登彫陰坂北望驃騎營注馬
千丈坡射鵬萬里程

西北有高城來往交河道古來征戰地白骨埋秋草人壽非金

石生男不待老不敢上
譙樓唯恐愁絕倒
秦時築上郡漢家事西鄙
邊兵塵雨雪漲黃河水
千秋百歲後魂魄來遊此
一誦古戰場悲風來萬里
豪斟巨炙排九楹玉盤醅
醱一再行秦王願趙王
瑟屬車天遠邯鄲城侍
臣衝冠髮直指秦庭虎
賁劍鋒倚咸陽山色如
死灰邯鄲霸氣清於水
引車還避將軍路最爾
那容持兩虎君不見世
間男兒健如虎一旦焉
知不如鼠

秋日郊行

瘦馬兀西風節邊如許
雀噪晚禾場蝶飛秋菜
圃桑枯竅呼風槐老皮
溜雨聞聲不見人隔林
捉社鼓

初望少室

好山如佳士洗盡名利
塵對之歛衽敬可愛不
可親一水刻我骨一石
融我神何況三十六峰
峰與天鄰仰看青嶽嶽
俯矚白磷磷因之携画
本試寫蒼然真三日宿
其下吮筆不敢皺歸來
閉閣臥枕上止橫陳題
詩追所見何必如古人

盧巖

龍潭下石壁鳥道盤青
蒼飛泉從中來聲落讀
書_堂臺左右灑石壁石上
會商宮尚疑盧徵君醉
騎白鳶翔至今明日夜
飛下青山長去之五百
載立竚道愈光舉瓢酌
此水清風益唯忘

龍門

洛陽三日雨不見龍門
面流水入野田歸雲抱
幽巘因尋香山眠遂就
石樓飯山川宛如昔白
傅不可見

過陸潭

此首重見後

言從陸潭去不遇紫芝還鳥飛不盡處夕陽千萬山雲起動無
靜水流忙更閑坐待石上月滅沒煙嵐

至日感事

人言至日一線長我覺至日一線短縫新綻舊不如昔身上衣
猶慈母線昨日日短猶可長今日衣弊不可綻年年至日壽北
堂親不在堂衣在眼

遊玉泉止

夙戒遊名山出郭氣已豪薄雲不解事如妬秋山高西風為不
平約略出林梢林尽湖更寬一鏡涵秋毫披雲冠山頂屹如戴
山鼇連旬一沐沐未覺陟降勞高談到晉魏健筆凌風騷玉泉
如玉人用捨隨所遭何以侑嘉德酌我玉色醪

陪趙文孺路宣叔分韻賦雪

堂三翰林公清癯如令威雪花對尊酒浩氣先春歸一還天地
素平尽山川城松竹瀉清声窓戶明幽輝呼童設茶具巡簷收
落霏清寒入詩腮思逸昏鴉飛力除盪絮俗改事文章機後生

奇嵐賦雪

分韻得素字

那辨此顰眉正宜揮請看西溪老傳着東坡衣

奇嵐賦雪

分韻得素字

閑門三日雪荒城甚無趣土屋多平頭雖犬迷牖戶雲端高青
癸天色易睡暮寒迷日車轍清絕坤維柱藏凍虺蟄松摧老蛟
怒餓鷲嚇痴雛飢鷹跡寒兔野人市樵蘇不辨入市路蹇馱踣

峻坂愁見水河渡陽襄理必復天地豈終泣佇看黃雲晴飛屑
落高樹

望北山雲

浮雲起太行六合須臾間清風相汲引吹我渡榆關歲早不成
雨悠然歸故山向來無心出亦復無心還

井陘漢信廟

朝涉滹沱流驅馬望太行暮投井陘宿僕痛馬玄黃地瘡痍
春色山高易夕陽暮天飛鳥盡佇立向蒼茫

花下墓

山前樹今人看花昔人墓昔人栽花待遊宴花開墓上上何處
今年花盡復明年今人沒沒為後人憐酒澆墓上碑不得由與餓

鴉作寒食

漸臺行

齊國有四世始漸臺空五層臺成膏血盡鬼力猶不勝浮雲一日
蔽臨淄君王左右多青蠅嫠婦不郵綿杞國憂天崩任從笑掩
侍人口仰天大拊列女膺一言反掌易春風變淄澠吳楚各千
里飛鳥不敢凌越以西子亡齊以無益興醜興而美亡未易定
愛憎請君覽此圖觀國如迎陵

秋懷次高恭軍韻

秋風蕭條秋氣傷歲云暮矣思故鄉客行來歸正落木鴈飛不
下空斜陽白草岡頭風似箭黃河戍下月如霜聞君近有從軍
作愁思與之誰短長

秋風清秋月明白露夜深重白雲秋晚輕夢回酒渴呼童起枕
上輓轡三五聲

做嚴武臨邊

少年騎馬耳生風老去羞無汗馬功落日秋風心尚壯令人回
首望雲中

遊箭山

天風吹雪下平田紛紛逐馬銀杯翻馬亦喜風搖玉環興來不
覺青山青山可望不可攀長河鏡裏開煙鬟浮雲不見山頂
相想是落日孤雲間箭山峰頭望碣石東南海水不可極六龍
賓日半海紅長鯨駕浪掀天白萬峰回合處九折十三盤一溪

初八山百轉万壑度盡松聲寒老苔萬古帶石色枯松倒植蒼
苔裂石門劃斷一峯開猶向雲端眺青壁不見長安許道寧披
麻誰繪倚天青又無天上謫仙金鑿客削爪詠此晴嵐碧眼前
安得此突兀想像造化初開闢詩人以來幾人到只說終南與
嵩少他年騎鶴歸蓬萊仰天却笑箭山小

做太白登覽

扁舟過海島風便一日耳咫尺不可期波濤四十里竭來鷄山
下且落菹花湯洗盡塵土骨心期雲水鄉夜夢掛席南斗傍金
山寺影水中央海雲嗟蜃化樓閣撞鐘擊鼓聞海陽施食狎鷗
窟法味嚼花馴鹿散天香夕陽萬頃鷗沒處水啣天影青茫茫
臨風朗詠太白句鳥飛不盡吳天長海山道人種白玉碧眼方

曠照崑谷遺我天書三十六模糊塵眼不可讀醉乘天上紫玉
麟一問東海青童君天風吹衣毛骨冷銀河倒浸扶桑影麻姑
兩鬢垂秋霜人間陸海變耕桑歸來笑撫靈松下春風幾度桃
花島

閻山懸崑寺觀宇文公吳東山題名

幽州之鎮醫平閻襟帶遼碣吞玄菟誰開青壁一萬丈坐我陸
海之方壺有泉聲而飛有松實而腴雲煙出沒隨朝舖三百六
十古精廬雲端削出金芙蓉望海寺前列幢蓋鎮山亭下羅笙
竿廣定太守來肩輿今日之游差梁子問而不答心語口高士
倒與山相娛壁間題詩六君子髣髴記是高蔡吳三僧脫壁
咲問吾他山還有此客無黃華老人醉騎驢向來亦藐懸崑圖

海月

東方雲海何所無千奇萬怪雄牙鬚風腥雨鹵懶下筋盡與海
月為僕奴滄波萬古照明月化為團團此尤物混然別有一太
虛七竅不施斤斤力不辭反解克君須照君胃中五車書清光
半食入肝肺雄文徑欲誅蟾蜍一輕上下波心白幾誤謫仙淪
醉魄為君掛席拾滄海岳樓頭斫冰雪

海岳樓所隱

松糕

嗟嗟千歲姿不比明堂高膚裁三韓扇液製中山醪皮毛剝落
盡流傳到松糕髣髴龍脫赤麟三日浴波濤玉兔持玉杵搗此玄
霜膏文章百雜粹肪澤滋煎熬殷勤小方餅裁以鞍山刀味甘
剖萍實色殷煎櫻桃遼陽富冬菹盤饌窮溪毛巧謀一飽地糞

粉不戒迺腹中十八公笑汝真老饕未忘口腹累尚似賢蒸羔
真休苦硬老家風大孤高聊將酥蜜供調戲引兒曹多生根塵
習馬永勝瓊庖一舌有多智無乃綿蕞勞人間無正味嗜好隨
所遭安能知許事為君續離騷

霜葉

天工設色繪雲屏山光擘破煙嵐青夕陽閃閃見揚起晚風蕭
吹客醒林間老僧倚瘦藤一枝秋水冷金瓶日暮千崑秋影
裏紛紛吹落讀殘經

遊紫霞山

共聯塵外鑣薄遊西山寺夕照邊河山秋容滿天地霜風失故
綠顏色少姿媚黃花似吾衰紅葉如人醉病來不舉酒意得同
此味纍然似空尊酒盡同弃置

題大令冠軍帖

君不見長安城中永寧里玉軸牙籤散城市流傳人間知幾姓
墨蠹老蛟蟄不死怪君何處得此本上有大令冠軍字嗚呼真
贗人不辯咄咄逼人皆李衛至今淳化二王帖多是唐人所臨
硬黃紙想當盤礴下筆時睥睨九原呼欲起以燈取影見面觀
心知不言識形似長沙無人吳郡亡後來作者不到此何必更
問當年誰吾言久已經平子黃山云懷素所臨

人遊西山寺觀謝章壁畫山水

蕭寺荒堂三五間謝章滿壁畫江山天涯霜雪少春意一日携
酒開心顏飢禽穿窻啄官粟歲久剝牆樵指禿山僧送客不

閨門寒雲夜夜飛來宿

做李長吉擊毬行

錦韉珠絡絡。四百蹄繡。胃嵌花。隻狡狴分曹。入場鼓聲作。月起
流星馬前落。側身下臂疾。馬回霹靂一聲龍。門開玉鞭笑擊
金盞響。綠襟齊出黃金枝。臨階下馬坐廣亭。玉盤行酒跪輸
朋。蒼頭上馬抱黃怕。一點飛塵夕陽下。

歲暮言懷

歲晏多北風。塞向臥南壁。龜紋暮紙帳。規以安我室。宇宙豈不
寬。盤薄入容膝。寤明讀易朝。月冷談道夕。風箏偶成韻。一笑
付終日。嚴城傳夜柝。曾是非戎後。驚飈動河漢。原野曠蕭瑟。
積陰蕩寒氣。歷歷星斗白。龍鐘感歲換。留滯眇天北。懷昔

獨悲牽乾坤同寥闊

冬至

小時逢冬至。夜半叩鄰里。及今老無事。却呼童。鴉起坐深朋友。
敬甚美吾衰。笑并女將及人。吾衰固其理。行年四十二。始有此
兒子。未知賢與愚。懷抱羞可喜。嚴冬霽霜雪。風日稍清美。一醉
忘其家。頽然枕棊几。

重九登禪寺冷翠軒

北風吹倒磨雲峰。凜然雙角蟠白龍。邊城雪花太如席。黃花紅
葉誰為容。會禪西軒作重九。登高望遠開心胃。煙嵐卷盡暮山
碧。冷雲萬里迷玄鴻。山北花豬大如馬。割鮮飲食如長虹。酒酣
起舞望兩寺。鳥驚踏雪摧長松。天低日落望不盡。一徑何處來

樵蹤君不見七金山下打圍處貂裘風帽寒蒙茸跑風駁馬下
平野迎霜老兔咻榛叢歸來得馬託朋友臨風一飲輕千鐘歡
餘勝地兩蕭瑟百年聚散如飛蓬明朝却望登眺處城中唯見
白雲封

題東坡眉子石硯詩真蹟

東坡袖裏平原手忠義骨藏筆蒞之世俗以筆取妍媚書意乃
似東鄰施何曾夢見麟麒兒天骨不以駑駘肥傾囊倒軸精妙
乃如此世間唯有眉子石硯吾家詩

風琴堂

我家琴寫風入松君家風琴唯隱几月明天籟自宮商何處
安排君十指風動龍吟自不知無絃底處覓成虧世間真樂類
如此但恐此聲非此耳

聽雪軒

冰花唾琅玕窗外留半月蕭然煮茶興似清此君說玉龍卧無
力時送窓紙濕夜久沈無聲風枝墮殘屑

遊崆峒山

團方相函浩無窮巨細長短相形中至人遺形立於獨直與天
地相始終不離汾水見姑射心知何處非崆峒惜哉小智聞道
晚強以耳目尋遺蹤去城三十里而遠其下問道軒轅宮綠雲
一迳羊角上忽得平壤羅諸峰悄然坐我白茅室目所未擊神
已通青山為身澗水古賓主相對森談鋒是中無問亦無答一
墮觀聽真音聳耳何人意得乃忘象豈必日月推屯蒙恭雲亭西

山更好下視落日低金容歸來秀色靚眉頰夢駕萬里西飛鴻
題揚秘監畫馬

揚侯詩人寓於畫後身韓幹前身霸驊駒万延落人間一紙千
金不當價曾貌先虎麝香驄紙上飛出天池龍至今畫史比良
槩一洗萬古凡馬空時於画皮嘆奇蹟二百年來無此筆艱難
常恨少神駒掩圖獨抱龍媒泣

靈岩寺

泰山天下山方山屹相對何時巨鼇趾中斷神斧快遂令齊與魯
劃若中作界陽坡青嶽嶽陰崖白碓碓众峰如環城盤一郁
會一逕入灵岩十里行竿籟飛泉何處來石梁網高派金碧闕
精蓋未到氣先邁鐘魚集五指陳迹向千載何人僧伽蒸入
壁了無礙缺君豈知道証此見不壞異類服猛逸草木動光怪
知像教力超越範圍外年來筆墨廢政坐耳目隘不行万里脚
恐負三生債濟南山水窟岩寺風煙最乞我一把茅飛身入圖
畫

江岸艤舟圖

遠村樹如薺近岸舟如月孤舟泊沙尾危檣見木末前山景氣
佳日暮涼風蒞時有渡頭人蕭蕭吹素髮

香山飛泉亭

霜風吹林林葉乾泉聲落日毛骨寒道人清晚晚倚欄杆目汲
清泉掃紅葉一庵住冬白雲端

東坡赤壁圖

連山盤武昌古木參雲稠
誅茅東坡下門前江水流
永懷百世士老氣蓋九州
平主忠義心雲濤一扁舟
笛聲何處來喚月下船頭
掬此月中水簸弄人間秋
蕩搖波中山光中失林丘
古今一俯仰共盡隨蚍蜉
孫曹何足弔我自造物遊
尚憐風月好解與耳目謀
歸來玉堂夢清影寒悠悠
一顧能幾何鷓鴣巢奄不
留遺像不恣掛尚恐兒輩
羞灑然袖雙手妙賦疑可
求何如謫仙人騎鶴下瀛
州相期遊八表一洗區中
愁

伯時畫九歌

楚鄉桂子落紛紛江頭日暮天
無雲煙濃草遠望不盡翩翩吹
下雲中君九歌歌曲送迎神還
將歌曲事靈均一聲吹入汨羅
去千古秋風愁殺人

倣張志秋西塞

一葉黃飛一葉舟半竿落日半江秋
青草渡白蘋洲歸路月明山上頭

白頭波上白頭人黃葉渡西黃葉村
山花幾朵酒盈樽落日西風送到門

楊祕監秋江捕魚圖

山蒼蒼江茫茫鳥飛不盡吳天長
潮平漲落洲渚出秋風幾舍鱸魚
鄉渙郎聚魚鳴兩檣輕冒觸破青
山浪脩鱗出水玉參差晚日搖光
金蕩漾長林無聲楓葉舟清波不
動江水寒誰令此圖落塵土乃是
楊侯造化之筆端我披此圖四十
載老去而今重見盡空面名落人
間當日題書幾人在漁人走利士
走名淠

失與莫相重輕笑把輸竿眇滄海浩歌直欲膾長鯨

支遁相馬圖

支郎天機深世故一馬中向來^疏蘇筍氣萬物一洗空眼前無騏驥遠目送歸鴻僧中有長梁万里翮雲風

做摩詰獨坐幽篁裏

獨坐幽林下談玄復觀易西日半峰返照林間石石上名古苔
山花間紅碧花落人不知山空水流出

送李按察

豫章蔽牛馬郢匠斧以斯太阿斷犀象補鞋不如鍍君子識其
大不為流俗移雲日茲始功業當及時
全濟十萬戶繡衣付儒臣往時佩犢者今日扶犁人潛魚避清
波脫鬼思荒榛賢哉渤海守盜賊皆吾民漢儒事章句去道利
乃倍桓譚謂子雲此事今獨乃岱岳小天下齊魯復向在會當
登日觀一日了滄海

好酒無深巷急足無善迹一偽喪百誠中和為士則澤中一寸
鏡解引萬里色往時王廣道山東化遺德

堂堂竹溪翁如天有五星篆籀深魏漢文章做六經後主翫華
藻旣散媿白青善劉與李斯文見典刑

西方有佳人貽我白玉瑄吹之和八風元氣生虛窾翩翩兩青
鳥雲是玉母遣天長道路濶音信何由長

皎皎霜雪練寒女機中出織成天吳鳳被之藏^藏獲質如何窮鄉
士九月猶締綌不見王逸賓抱窮守空室

君侯下車日百城風凜如公餘一炷香谿山奉宴居治要無多
言所貴一字虛所以曹相國不讀城旦書
本心如水鏡功名時翳之少言焉塵累盡万像復在茲水冷知
天寒絃高覺柱危世無齊心友誰知此襟期
二豪角談鋒氣湧冒中山達士兀無言隻手縮袖間理勝是非
遣道在禽與閑回也真不愚高風貌難扳

春水行

光春宮外春水生駕駕鵝飛下寒猶輕綠衣探使一鞭信春風
入鳴鞘聲龍旂曉日迎天仗小隊長圍圓月樣忽聞疊鼓一聲
飛輕紋觸破桃花浪內家最愛海東青錦繡掣擘翻青冥晴空
一擊雪花墮連迤十里風毛腥初得頭鵝誇得雋一騎星馳薦
陵寢歡聲沸入百年腸瓊毛散上千官髮不才無力答陽春羞
作長楊侍從臣閑與老農歌帝力歡呼一曲太平人

涿郡主廟

尖燼終四百海飛群雄奔蛟龍離舊隱豺虎瞰中原仗義公天
下豈料孫中山艱險拒赤壁顛沛乞荆門劉郎非嬌客肯市一
女恩譬如講上鷹既飽則飛翻山陽公安在洒泪西南坤區
一隅地鼎立爭雄尊滅魏壯圖屈窺吳遺恨存嗚呼永寧宮懷
慨臨終言老瞞安足雄死面覩姦魂仁與不仁耳成敗何必論
天乎未厭漢河洛不足吞盜手復為盜玉手猶子元符為一亡
國善惡終不緩

當時五丈桑墻頭搖羽葆草木尚有情人心不如草緬懷車蓋

翁三顧隆中老乾坤一草廬鼎足事已了艱危奉命際流涕云
師表一時會風雲千古事蘋藻野農復何如尚說官家好逢卜
傳神語丸金薦行潦瀘水耕餘村范陽竹処道天留西日遲地
狹東風早風霜恹恹鴈歲月愁蜀鳥亦復梁父吟塵埃驚潦倒
馬翩翩車轆轤塵土難分真面目年年扈從春水裁竹染春山
波漾綠綠韜珠勒大羽箭少年將軍面如玉車中小婦聽鳴鞭
遙認飛塵即馬足朝隨鼓聲起暮逐旗尾宿梁事從今相繼躡
聖皇歲歲萬機暇春水圍鵝秋射鹿

從帥府謁太清宮

層宮枕蒼陂地迴風日冷旌旗隱復見原陸互馳騁悠悠塵外
趣窅窅壺中境山川並淑氣草木闔清景周疆有楚宋漢隸到
鐘鼎尚美千歲檜荒哉九龍井懷竒日以擊枹冥心獨省悲歎
萬古促賞賂一日永清波燮魚尾落日賴牛領天寒鷹隼擊水
落鴻鴈影日照征夫青天入漁艇洗兵江漢清茲焉事幽屏

遊醉翁亭

一逕入幽谷磴迂景更延陽光時翳竹石色寫冷泉不見琅邪
寺心知白雲邊殘僧戀幽景斷臂初非禪歲暮少風雪回祿稍
擅權海內有此亭會奪去寧非天中有不壞者斷碑猶然逋民
半吳越過客多幽燕樹根落斷崖聊掛從軍鞭鳥啼空落日野
色愁寒煙月上人歸尽山空水濺濺

陽水篆

護書如護兒，救燎如救飢。可笑亦可憐，似高還似痴。為此陽冰
篆法傳，丞相斯長楸。蹙騏驎，快劔斫蛟螭。瑚璉祖，角器衣冕蔽。
廊姿夜光含，圭角春水變。華滋觀物獨，馮妙苦心人。得知入石
疑無筆，妙處獨君窺。廬陵千載人，嘆此尤崛奇。一旦隨灰燼，世
疑嶧山肥。成壞固有數，惜哉徒爾為。永成吾不預，既壞那可追。
當其不壞間，萬一神護持。一物尚不忍，其餘可類推。乃知放麋
翁仁心，不吾欺。

送墨李道士元老

嵩山到嵩陽，相望三百里。數驛走商嶺，兩崖夾伊水。飛煙空翠
間，路前轉。多山雲橫碧，嶂斷馮沒青。天還鳥鳴青山上，人行脩
竹裏。犬吠得柴荆，花落鳥驚起。草荒磨結壑，火斷魯山碑。昔
疑王家畫，今信謝公詩。其中一道士，生計蒼煙壁。松下讀道經，
窓間寫周易。相看斗南北，不見十年餘。重尋化鶴夢，要寫換鵝
書。雲間侍玉皇，日下瞻天表。歸去杖頭邊，乾坤一壺小。君歸我
正病，起霜滿鬚尚能持。酒盃還憶寄書無，遙知鳴皋下尚有
蒼苔迹。讀我往年詩，因之拂塵壁。

送李天英下第

天鷄拂滄溟，万里起古色。南風搖古雨，歸興生羽翼。二年客京
華，一第為親屈。文字天地讐，風雲四霹靂。為皇望霄漢，騏驎
絆荆棘。躑躅昇天行，白雲繫胃臆。遙憐弟妹長，摩頂今過膝。人
生在家樂，絕勝長為客。老夫懷抱惡，數日卧向壁。胃中略雲
夢，眼底無敵國。雲歸北海後，投青山夕日。斷東北塵茫，如有

失

與龐才卿雨中同遊太寧山

群山西來高崔嵬太寧萬壘屏風開半天截斷參井分夕陽

不到吟詩臺

寺有吟詩臺馮瀛王寓筆研於此

近都形勝甲天下况此百斛藏

瓊瑰青蛟百道走玉骨不赴僧界如奔雷泉聲夜作雨飛來冷

雲滴破煙嵐堆相梯可望不可到石鱗冷滑粘莓苔塔上一鈴

時獨語慎勿促裝遽如許徑須携被上方眠明日顛崖看懸乳

寺後一峯高更寒歸來駐馬更重看蕭蕭易水寒流廣蒼茫不

見雲中山西風栗葉高陽道澹澹長空沒歸鳥荆卿廟前濕暮

螢照王臺畔霑秋草擬豁千秋萬古愁更須一上郡城樓西山

應在欄干外注目晴空浩蕩秋

閑閑老人滄水文集卷第三

冬仲六之日校清常道人

閑閑老人滄水文集卷第四

古詩

和淵明擬古

亭：澗底松婉：窓前柳穠華能幾時不耐風霜久感君傾意
氣遂託金石友膝上橫秋霜中筵列盃酒：明相知深劍明終
不負時運有代謝交情隨薄厚寄言歲寒安枯桑榮復何有
停杯且勿飲劍歌已三終男兒重義氣結髮早從戎生當為世
豪死當為鬼雄驚沙射人面日暮來悲風空拳冒強敵力向陰
山窮仍聞霍嫖姚萬騎出雲中小智多自私大方乃無隅一毫
納萬象萬象非卷舒日月為我傭天地為我廬曲士窘囚拘
一身無容居我夢登日龍觀青天入平蕪俯視但一氣一豪彼

何如

憶昔穆天子侈意窮入荒崑崙入馬蹄仙心厭明堂王母為之
謠曰雲何芒芒憑高俯九州塊如蟻聚場歸來越河閼萬壘壓
嵩邱遂令學仙子聞風心激昂漢武千秋露淮南八公方至今
瑤池會空為後代傷

客從遠方來氣兒充以完鞍馬光照地怪我儒衣冠問君何苦
心所慕惟孔顏古豈無賢毫髮十六子八閼獨携無言子流眇青
雲端芝蘭吐幽芳山水發清彈願為九臯禽接翼萬里駕揮手
欲謝客所懼非飢寒

吾道無緇磷萬古常如茲奈何中智下謂彼不知時與世頗殊
好譬如灑與滂哉欲質所從登高望九疑路逢古漁父長歌滄

浪辭出門異所見退坐還自思當世固殊古一人不吾欺翩翩
出林鳥日暮將何之倚簷送歸鳥聊欲言絃吾詩

西北有佳人樓上撫雲和一鼓別鶴操再弄求凰歌絃聲幾欲
絕哀音何其多昔為掌中珠今為路傍花壯年不再得華落將
如何

張衡詠思玄屈平賦遠遊高情薄雲天意氣隘九州朝攀扶桑
枝夕飲弱水流翻然不忍去無女哀高丘嚴霜下百草歲律聿
其周蕭蘭共憔悴已矣吾何求

青：一本蘭侯時吾將採不採庸何傷香色終不改太陽頽西
泥明月生東海日月如飛梭榮華不相待寄言紉佩子無貽後
時悔

中秋

天風吹河漢明月懸清光清光不可吸流影入杯觴吸此風霜
露魄洗我芥蒂腸向來功名心一笑冰沃湯人生幾中秋彈指
三萬場胡為置冰炭不使心清涼此心如秋月虛明動八方此
身可化中太山一毫芒向無物與我何者為彭殤推琴黃葉落
搔首白雲翔解衣一盤礴清境墮渺茫

重午遊冠山寺

南風搖百草吹我游山樊青山映華髮似我頭上冠長松五月
窻戶闕終古不散蒼雲寒步出高木杪俯視林下鞍飛亭枕爽
塏更覺天宇寬憑高送遠開心顏白雲青嶂非人間深林冥
白日暮飛鳥商：長空閑夕陽萬里開野色晉趙形勢空河山
時清老守容癡頑臨風把酒遺巾綸明朝却望題詩處城樓唯
見煙中竿

七夕與諸生遊鵲山

七夕七日人間秋興來飄然鵲山遊靈仙投鵲渡河去白雲嶺
上空悠悠手持雲腹酒與雲更獻酬雲既不解飲且可與子消
百憂雲不飲我無愁不愁不飲空白頭但願年：歲：得相見
長看雲馭織女會牽牛

鷓鴣

皋落秋風暮深崖得爾鷓鴣他時萬里翼天末片雲孤何處三窟
兔古城千歲孤竹翻壯士臂飛血灑平蕪

遊晉祠

官閑屏騎從意行無澗崗青山盡處山口轉青溪宛與青山長
古城尚隔叔虞廟水氣先入單衣涼溪行不十里喬木森千章
靈泉萬古流不竭蕩雲落日搖精光素月落圓甃青天入方塘
棹歌中流簫鼓發擊法驚起雙鴛鴦脚踏船舷腋羽生明月照
我歌中裳兩生為我歌與子嚼一觴共來洒墨三四行使汝名
似堪葦香歌罷忽惆悵欲歸且徜徉清風明月本自無盡藏青
山綠水何處非吾鄉世間風波老可畏物外日月初不忙安得
此溪化作百斛酒狂吟大醉三萬六千場一朝忽乘赤鱗去歸
來晉溪流水依舊空茫茫

遂初園八詠

遂初園

人生衣食爾所適飽與溫速其得志間歸心負初言少壯慕富
貴老大憂子孫此心無累利欲令智昏嗟我復何為未能_本立
園外物恐難必開園對一樽

歸愚庄

平生功名心世路多崎嶇年來忝聞道何者非夷塗庄後桑百
本庄前芋數區草屋三四間榆柳八九株僮僕足使令鷄犬應
指呼商鉏向我言官豈不足歎如何天壤間不容_七盡軀忘身
百事懶忘心一物無忘已又忘物兀然同太虛不傲亦不昧無
毀亦無譽不向醉鄉醉即歸愚谷愚

閑閑堂

天運如轉轂日月如循環人生天地內頃刻安得閑所貴心無

事心安身目安低頭拾紅葉叩面看青山朝聽新泉響暮送飛
鳥還清晨了人事過午掩柴關高非出天外低不墮塵寰化落
焉聲寂我處動靜閒

翠真亭

俯竹百十箇老栢四五行日出煙霧散露葉翻晴光時攜一壺
酒來此據胡床鳥蹄白日靜花各落春風香君看蒼翠間法身
露堂二即物元非真離物又非忘掩卷忽而笑風枝奏笙簧

竹香亭

今辰復何辰幽花滿中園愛此風露香聊佇屐齒痕花殘蜂蝶
逝花開蜂蝶喧物理有代謝花枝獨無言無言還有情似訴惟
空尊今我不為樂知有來歲存呼兒具屢杓喚妾傾瓦盃且盡
一日歡萬事不復論

琴筑軒

琴筑雖有韻不鼓則不鳴流水無微絃使我神慮清風月為節
奏是中無虧成聊將不俗耳聽此無絃聲無聲非無聲聞曰根
極生隱几以眼聽頽然遺其形小鳥性空水靈臺湛虛明從渠
童子見擲瓦戲清冷

南麓畫華清宮圖

天寶遺事今幾年華清樓殿非人間五家羅綺隘山谷驅入尺
帟天工閑豆分繡嶺線涇渭人物微茫絕位置想當聃聃下筆
時兩眼猶能書細字乃知棘端可以造沐猴巧奪造化非人謀
胷中度世乃吾事坐令千里當双眸明皇初心小姚禹肯比金

陵一孱主一眇聊為妖姬留奈何坐此覆神州太白西去有烏
道蜀山秦樹令人老溪雲一散漁陽城祿山馬飽宮前草思流
四海一玉環胡兒不合窺潼關至今脂澤下蟾口時有飲鹿疑
神姦豈知水洗凝酥滑一掬傷心馬嵬血多年鬼火化為碧還
逸離宮送行客龍嘉幾度過華清筆端山高水冷嗚呼興廢
今已矣祇有丹青留典刑書詩双絕善書工留傳遜公到松公
已今年盜入媯川東火燒塔寺一洗空松公間關來帝里一身
與盡書同生死吾聞挈瓶之智不假器支郎大勝潼關騎

改武元直漁樵閑話圖

兩翁久忘世木石以為徒偶然相值遇風月應指呼廢興非吾
事胡為此區區但覺腹中事似落帝上圖一以我為漁神遊渺
江湖一以我為樵夢為山澤臞形骸隨所寓何者為真吾尚忘
彼與此况復朝市娛西風下落日渡口炊煙孤無問亦無答長
嘯歸來乎

就劉雲卿弟與同院諸公喜兩分韻得發字

君家南山有衣鉢叢桂分香孝蟾窟從來青紫半門生今日子
孫床滿笏尔來先生復秀出論事觀書眼如月豈惟傳家秉賜
彪亦復生兒勛勉勃往時嘗秉御史勳未害霜蹄聊一蹶雙鳧
古邑試牛刀百里治聲傳馬卒今年視草直金臺雲章妙手著
揮發老夫當放一頭地有慚老驥追霜鶻座中三館盡豪英健
筆縱橫連安骨已知佳會得四并更許深盃辭百罰我雖不飲
顏助勇改要風燈照華髮但令風雨破天慳未怕歸途洗靴鞞

九日登繁臺寺

九日獨何日寒花發幽芬波澄無餘滓天清廓遊氛鷗盤翼迅
風鴻響厲曾雲我而二三友適同酣醺南登歌吹臺一弔信陵
君捐軀赴趙璧談笑却秦軍夷門今安在草沒候羸墳我亦感
激士白首羞論文禁中有覩收慷慨志奇勲登臨送歸無為愴
離羣蒼茫視八極煙靄何紛：懷士撫悵長劔悵然日西曛

伯勝九日詩蕭然有陶風趣次韻

九日獨何日高懷無與娛仰視天宇清倏見飛鴻孤哀嗚呼其
群相望邈江湖豈不念親友林間置尊壺不醉慎毋歸且莫歌
驪駒今日不為梁奈此歲將徂風霜艷黃菊興與南山俱此時
如不採但恐隨樵蘇日暮登吹臺蒼茫望八區讎然念鄉國北
望一長吁

送雷希顏之涇州錄事

東風吹百草搖落鴻鵠心翩翩萬里翼隨雲落西南涇水東流
不到燕送君落日孤雲落邊聲名一日天下白還作南樓座中
客西州自古多豪英作者凜：氣猶生太尉英風萬：古不勞
折箠咎此虜男兒生不功名死無益莫言簿領卑凡職當時髯
張一令耳至今双廟令人起

做玉川子沙麓雲鴻硯屏呂唐卿藏

吾聞春秋紀年二百四十二不書祥瑞書災異不知何年沙麓
崩六鵠過飛失其四恒星不見夜有光星殞如雨石在地孔子
諱魯不諱宋但記有月食之既豈可知瀚影入石中蟾蜍桂影

俱蒙籠初疑日中有兩鳥雙飛跳入姮娥宮鵝火貫尾伏辰
狀如赤烏雲非雲女媧煉就五色石搏沙欲作愚下人史蘇發
占文端策坎為白月艮山石光升而雲离奮翼重光為呂歸有
德呂候寶石到子孫更遣趙子窮其源齊趙馬牛不相及如何
窮此造化根世間萬事何不有耳目之外難其論海中時發
火焰世界一持風輪一微塵內納須彌有頂天上猶崑崙併
却咽喉與唇吻別有一句超乾坤木人撫掌非耳聽石女懷胎
親眼開扇子築着帝釋鼻鯉魚驚翻東海盆吾言非夸子夸
美要與摩詰無言言

做梁天新宅

吉凶翻覆兩何如新貴移來舊貴居昨日弓刀圍舊宅今朝車
馬慶新除兔驚尚顧豎中兔魚逸還尋單下魚富貴貧窮皆有
有命大都覆轍戒前車

做郎士元寶刀塞上兒

長安美少年白馬黃金鞭後騎捧長劍官儀如殿前煙塵生絕
塞烽火照甘泉如聞碎第將遺兒上凌煙

從軍行送田琢器之

嚴風吹霜百草枯胡兒馬肥思南驅長戈飛鳥不敢度扼胡嶺
下行人無鈎鈐一夕妖星過賊臣自製掣居庸鏢藏金鄧瑁
未厭深長安三日燃臍火胡兵數道下山東旌旗絳天海水紅
胡兒歸來血飲馬中原無樹搖春風橐駝羶車載金帛城上官
軍空嘆息鬢髮婦女過關頭回望都門心斷絕漢家公主嫁烏

孫聖皇重戰議和親北望地名一舍如天遠黃沙茫：愁殺人
田侯落二奇男子主辱臣生不如死數前畫地作山西請以義
軍相表裏恨我不得學李英愛君不減候莘卿子明又請當一
面禁中頗牧皆書生是時李英子賢侯莘卿橫遮俘戶三千

萬潼關大笑哥舒翰三書慷慨請長纓臨風鐵騎空三嘆

題楊秘監雪谷曉裝圖

林空月已沈雪落風未掃束裝事晨征之子涉遠道心知馬上
人萬象入腹藁髯奴亦可人行李伴幽討鹿中無此客風雲滿
懷抱逢辰則伊呂不然商山皓如何苦憔悴薇蕨不得飽前身
孟浩然後身窮賈島三生帝上形千古笑枯槁向來富貴骨露
濕原上草百年存一夢翻覆無醜好那知風雪癯不是蓬山老
所以邢和璞一笑幾絕倒

題曾直書黃庭經

太原清虛皇玉景經琅函瓊笈秘始青囊以雲錦金鈿局四神
守衛訶百靈中夜一氣存黃庭玄霜瓊膏灌子形方瞳綠髮魂
魄寧上壽千歲下百齡天書夜降勅六丁控駕三素乘風冷鳳
笙龍蹕超冥：揚旌抗旆燿飛星八威吐毒驅電霆擲火万里
沉金鈴仙人拂石劫不停笑視人世風中螢世間醉夢紛矍醒
三尸調汝丹田蟬有如尾閭泄滄溟一朝神離鳥飛瓶洛翁書
法出蘭亭名書此經實目錄開卷恍然如酒醒養生新發庖丁

研

試院中愁坐叔獻學博忽送紅小桃數枝坐念春物

駘蕩西園開鑰不得一觀作詩破悶兼簡張文學

仲山

數日天氣殊未佳文書如山眼生花忽遣官梅入吾室政爾東
君解留客蠟梅無韻空有香紅梅亦復清而莊此花韻勝開較
晚天許風流嫁海棠海棠春驕睡未足環兒酒暈紅潮玉不應
更有林下風翠袖天寒倚脩竹銀瓶亦有小桃枝茜裙游女窺
荆籬青枝綠葉不須問自有月影溪光知冰花不肯相媚嫵來
伴詩人作詩苦橫斜影落水心中融入詩中作奇語古來詩人
例多窮把酒對花酒已空亦知寒食只數日醉夢不到西園中
天上公子被花惱一笑回波嘲拷搯不須區區索酒錢但可煎茶
對花前

慧林賦海棠

君不見三郎花下吹觥粟寧王榻管番綽拍一聲驚夢破華清
海棠頽覺無顏色又不見百花潭北西郊路醉裏花仙覓奇句
覓來酒盡花已空詩人不足無心賦梨園富貴春蕭瑟空對畫
圖三嘆息杜陵誰有補亡詩坡仙詩中畫更奇君不見西園往
日稱繁雄羅衣不復能春雄樓傑閣春色裏溫馨淑氣月明中
纖條嬾春無力猶透空牆絆游客不應折贈寄禪房來與幽
人慰岑寂石門老納僧中癯鼻端苦覓香有無何似東庵人散
後月斜踈影照跏趺

冷山行

禪房閣兩鐫春陰幽人切：鳴幽琴一聲兩聲風蕭森三弄五

弄天沈沈紛綸十指終不亂雙鳶對舞揚哀音初為湘靈怨再
鼓別鶴吟絃聲按柳止復作忽照變態窮噓歔曲終從容奏恬
淡花落啼鳥青春深苗夫子吾獨知爾心胡為翻作冷山操此
意似欲為師歲昔年憶侍明光宮曾以絲桐沃舜聰曠風一曲
巖廊靜萬國無為至化中明昌有道真重瞳：：左右多雙龍
朝廷詔起冷巖公鼎胡龍去多劔空不聞天寶相國忠漁陽馬
嘶旌旗紅聖主中興日月功首誅拜浞鉏群亮張公上書見大
計臣以琴諫非琴工先生年來到骨窮但顧四海無兵戎夜蘭
更請彈三梁臣獨飢寒亦不惡

和淵明歸田園居送潘清谷

身行半天下何處無名山蘇門天下勝築室不待年曩時孫和
今代潘子淵無家安四壁治生惟寸田去國行萬里往寄茅三
間山川半豺虎一水不得前寄謝李龍眠為我鳴風煙曲肱盡
圖裏臥遊西山巔尚恨畫中隱不得招閑：有願何必遂古人
豈盡然

人生本無累世路自羈鞅悠：塵中境翳：霞外想蘇門有佳
處悵望不得往遙知西山下煙雨薇蕨長有願神莫遠誰謂河
水廣夢逐西飛鳥一夕騎眇莽

萬國角聲裏日暮行旅稀幽人如野鶴思逐南雲飛冥：花經
眼列列風吹衣平生香火願毋使寸心違

堂堂楊林師注書以為娛談道有源委百川會歸壑城市悅莫
留野性山林居年荒拾橡栗濕柴燒楸株尚憐陶與陸問訊今

何如當時蓮社人寥落今幾餘
修靜復西去而獨逃空虛藍輿
會相訪容我醉時無

昨日遊東城今日復南陌
偶逢素心人把手便歡適
一談復一笑不覺日西夕
騎馬穿市橋橋首望林隙
歸來掩閤卧尚恨為物役
四論喜僧筆玄文箋陸續
會尚投絕學繕性終何益

駕牛幽谷閑跨鹿澗水曲
相期無翼飛豈不賢尊足
他年東坡翁一衲歸玉局
相哀老不死分我一寸燭
千年暗室中一旦得朝旭

題巨然泉巖老栢圖

雪崑森危有老栢幾度寒泉漱
秋月氣凌層空白日寒根貫斷
崖蒼石裂奔騰逝水送流光
剝落古苔封老節明堂未作棟
梁材潦倒風霜半無葉何人冒
次富泉石巨然袖中董元筆
崖傾岸絕無人見夜半移舟真
有力賢候筆力今曹植氣象參
天千尺為回筆刀挽萬牛損蒼
煙嵐少顏色

夢華山

夢登蓮華峯舉首手摩青天道人
洗我心相與掬飛泉風吹青霞
珮飄若雲中僊下視塵世人擾
紛腥羶直欲叫蒼穹生靈日熬
煎安得則仙掌狂瀾迴百川一
洗胡羯塵萬騎還全燕功成不
受賞葉之石浮煙金膏換綠髮
玉液煉丹田金丹如可異脫屣
區中緣閑尋碧玉調朗誦青苔
篇還騎凌白鶴飛下青山巔

朝遊雲溪上暮遊雲溪下不知雲溪雲去作人間兩流水赴大
壑白雲思故山何時溪上人心與歸雲閑黃公山下雲溪路十
里溪光照雲樹溪流瀝瀝讀書聲想見先生舊游處溪上老僧
今日頭尺書招我歸來休圮上方傳黃石峪山中未暇亦松游
我公昔年提孤軍旌旗絳天張魚鱗鯨鯢沸天海水渾罵賊嚼
齒欲透斷旄倪十萬寄一身咸陽白骨迴青春九重嘆息天為
輦致前論事氣益振滄海未全歸禹貢山東且願變齊民匣內
寶書金屈戌腰間瑞節玉麒麟衛國錦衣歸故里代公黑髮更
慈親他年鍾鼎書元勳二十四考中書君整規軋坤濟時了飄
然却邊雲溪雲

過廣武山

塵霾晦金鏡鹿走群雄馳龍騰海水沸虎怒風林披成羣天下
險楚漢昔相持乃翁一柱羨且歎共分之兩雄不並立鴻溝徒
爾為累創撫戰士智勇亦已疲滎陽非吾厄帝圖乃天資陰陵
夜失道慷慨兒女悲長陵不枉士笑煞羊兒勝負兩蝸角興亡
一枰棊而况波區區二蟻爭雄雌西登廣武山曠望大河濱野
曠知天迴崖傾竟岸危青山明劔戟霜林列旌旗雲槎和浩渺
煙樹晴參差悽涼阮生嘆曠蕩謫仙詞懷古念離散興極淚
還垂

河中八詠

舜井

一水獨冷然浮雲幾變遷心知思舜處時見井中天

夷齊墓

讓代理難全求仁豈怨天乾坤吾道獨宇宙此山傳不肯食周粟猶應飲舜泉冥鴻飢欲死落日映昏煙

鵲鵲樓

樓成觀鵲幾時還人去樓空境自閑地接連城秋水渡河兩分岸夕陽山汀煙苒苒分秦樹隴鴈依依度晉關千古廢興還造物暫驚風月出塵寰

逍遙樓

黃河城上逍遙樓何人能作逍遙游斷霞日落今猶古明月清風春復秋千古兵塵常漠漠五年心事謾悠悠中條太華不忍見雲自高飛水自流

汾陽王像

天寶虜騎興漢陽首提孤軍起朔方掃除檣槍廓氛翳再使日月光吾唐丹青凌煙誰第一功業汾陽異姓王當時太尉亦雄偉天不愁遺壯士傷河中重鎮甲天下渾公與公屹相望時危英雄常恨少撫壁再拜涕泗滂諸酋下馬識公否公雖云亡像在堂

吳生畫

吳生大士十六像歲久塵香蛛網絲真物從來有真賞息軒為作證明師

楊惠之維摩像

一點傳心已失機更求形似轉成癡至今遺像兀不語猶似當

初問法時

先公碑

過客紛紛總不知先公事迹竹溪碑坡軒下薦山僧意也覓西
廟待月詩

汾陰祠后土

開：祠隱官蓬萊玉堂給札非僊才封香汾陰祠后土騎士引
赴軒轅臺龍門峽東天下險狀如万頃納一極方丘中峙巨鼇
趾黃河一箭從天來長風吹雲碧海去曠蕩万里晴天開青山
終古不改色下送落日浮金壘滄波幾回照新鴈往日繫雄安
在哉君不見灤家六葉誇雄材力通象郡臣龍堆泰山日觀封
禪罷屬車九九聲如雷橫汾中流簫鼓發酒酣樂極情生哀秋
風一曲在人世茂陵挂樹空莓苔又不見開元四海不動塵千
麾万騎祠神睢侍臣文章咸第一豐碑自勒鏡崔嵬憑高慨詠
才子向山川滿目空塵埃鈴聲淋浪蜀道兩想見万里愁雲迴
蒲關北走滎河道岩深地古今人老胡兒夜渡黃河水生人焦
悴如霜草吾皇神聖如軒轅北伐熏鬻清中原徧秩群神祀喬
嶽還因吉土祀坤元靈祇紛紛福來下倒卷天河洗兵馬垂新
日月照乾坤再整山河歸廟社三河形勢滿河中獨紀鄧丘第
一功唐漢遺民尋故事還思法駕幸河東

會靈觀即事

戊寅五月十日
試宏詞

靈宮初雨餘散策步幽徑深樾不見人微風度疎簷心閑偶無
事虛極目生聽時復靜中喧歸禽暮爭暝

欵枕北窓風書葉久未定午夢破華胥起看松陰正閑物居觀
物化靜處見天性鳴鳩亦何為谷谷自相應

題東坡石鐘乳山記墨迹

書為水漬幾半

東坡謫齊安人怒神所許倒騎卧水龍醉踞石頭虎赤壁萬里
江一葉吾敢悔歸來抵湖口此槩乃并與扁舟絕壁下鸚鵡如
人語風雷相轟逐水石効吞吐山遺洞庭槩帝下鈎天舞石鐘
不吾欺一證萬古遺墨落人間訛缺十四五模糊魯壁簡刻
落岐陽鼓蜿蜒半鱗甲尚恐脫風雨盡移在棺壁劔化延平渚
祝君十龍藏隄防六丁取

武元直畫喬君章蓮峰小隱圖

武君非畫師勝槩飽曾臆大筆五千仞驅駕八盈尺飛泉峰頂
來落我松下石清風忽吹散琴上賤餘滴呼兒急寫之指下淋
浪濕未知責子翁頗復有此適何時圖中人真作林下客青山
不違人但恐富貴逼勇退良獨難此願誰能必向來燕趙間逆
旅拜真逸兒時弄琴者天涯老相識俛仰四十年父子埋雙壁
卷中題詩人十九已仙籍年光飛鳥過紙上但陳迹對此還自
陽何事為物役還丹日月遲白首光陰疾文章真小技身外皆
長物拂衣歸去來蓮峰入心碧

中元夜祭太一罷對月

今夕知何夕白露涵秋空褰衣踏明月如在瓊瑤宮細數秋兔
毫挂樹何玲瓏當年誰所種醫此天公矐清光知人意飛影入
杯中流霞酌不盡清光浩無窮我欲遡白雲一訪東坡翁扁舟

下赤壁此槩將無同疇昔縞衣仙化作羽衣僮酒酣邀我去鶴
背冷松風靈夜醮餘香霧飛不起更衣步石壇風露浩如洗月
波走金蛇入我清尊裏引杯不復疑弓影正如此夜深孤鴈過
歛見巾落几松間龍一吟風庭應落子無中步虛聲隱：猶未
已

東軒老人河山形勝圖

太虛匠流峙造化誰豚胎洪荒萬古至今餘劫灰黃河蕞崑
崙匣怒不敢爭初經龍門天下險勢如萬頃納一杯桃花浪激
不得上凡魚幾標鱗与腮下趨神隄如地底終古不到軒轅臺
蒲津沈沈卧虹影鐵牛駕浪輸苗龍千里一曲復一曲傾山倒
岳不復迴巨靈運東肘首華為崩樵茅津濟師想勝槩搔首北

望

令心哀萬派赴集津鼓聲如會垓神斧忽中断鏡鑿何年開崖
傾路断飛鳥絕輕丹一箭削浮天來篙師絕叫未及瞬回望已失
雲濤堆但見兩屋蒼蒼半天外三門斗落如驚雷擘窠大字誰
所銘高山百丈磨蒼崖廟前劉公一片石龜龍剝落生莓苔東
軒先生生長三晉地回視韓魏空浮埃想像舊游處落筆如山
顛冑中元自有河山寫出勝槩何哉壯餘波到諸郎直氣凌斗魁
况復文章妙天下脾睨晁張顰蘇梅竹帛如山不經國安用江
鮑稱詩材劉夫子我有二杯酒澆汝胃崔嵬嗚呼聖道久秦塞
孟氏闢路誅蒿萊諸儒辛苦補罅漏未見巨手如排淮後生索
塗方槌埴雖有耳目如嬰孩祝君頽波作砥柱驅入聖海無津
涯劉夫子深藏十襲作龜鏡先王君此圖吁可懷

春雪

幽窻不知春但覺寒轉加開門散飛雪帶雨不成花盤空飛瓊
舞作態正橫斜着樹暫玲瓏少為委泥沙急掃枝上玉為我試
新茶不須待明月湯好客更佳

同英粹中賦梅

寒梅雪中春高節自一奇人間無此花風月恐未宜不為愛冷
艷不為惜幽姿愛此骨中香花餘嗅空枝影斜清淺處香度黃
昏時可使飢無食不可無吾詩

十一月十九日長至日校清常道

閑閑老人滄水文集卷第四

人

閑閑老人滄水文集卷第五

題趙琳畫東坡石上以杖橫膝扇頭

廟堂竟何人此老乃石上盤礴萬古胃入此一籐杖擊去荆舒
蠻扶來司馬相君看熊虎顏百獸不敢傍

東坡謫嶺南一笑六根靜食骨不棄餘又使群狗競手中果何
物乃是照邪鏡爾曹何足容以杖叩其脛

擬陶和許至忠

西日頽殘照北風凜寒威侏儒飽欲死幽人獨無衣不上北闕
書甘采西山薇曾子已再化寧遠早知非豈不梁仕官恐與心
事違柴桑舊三徑吾行其庶幾尚憐淵明翁頗負貴譏任隱几
茅簷下聊欲曝斜暉

歸田有何樂佳處正在茲閑與老農語夜雨深一犁行年近六
秩悠悠復何之有田足我食有布成我衣富於黔婁生樂於榮
啓期妻子愠見言一點不上眉吾師有遺訓貧賤不能移

題收牛扇頭

一牛顧其犢一牛軒尻睚旁有收犢子窺巢攀樹枝嗟尔有飼
具不念鴉鵲驚夜半平生忠義飢焉雅各天性飛來護其兒汝
親亦念汝而人獨不知不如兩相忘人禽相娛嬉

東籬采菊圖

淵明初亦仕迹留心已遠雅志懷林淵高情邈雲漢妖狐伺晝
昏獨鶴驚夜半平生忠義心回作松菊伴東籬把一枝意豈在
酒醖不見白衣來目送南山鴈浩然忘言說聊付一笑粲

贈眼醫

和扁不並世世豈無良醫今代王彥看恨無東坡詩大詔臥壯
士積熱下腦脂神鍼運斤風此妙人得知君言各有道神視了
不疑擘山導河流破壁取蛟螭聖道如日月浮雲時翳之誰為
補天手刮膜施金篦韓孟不可作此藝云真吾師

釣蓬

船篷無可載意釣不在魚此身真襍禡萬事一邊除無載不
載沉無魚安足餌洛水是非波臨軒聊洗耳

聽雨軒

無田妻啼飢有田稻蠹泥斧為飢所駭貧富亦兩齊雨中聽下
眠窓外芭蕉語置書且安眠催租吏如雨

擬東坡謫居三適

且起嚙日

老人畏朝寒常恨為物役把搔未云已簡書催我出尔來先朝
恭晨起喜見白王事有期程安能待千秋息披衣向東方聊復
却龜吸漸漸支體柔谷谷真氣入必為肝腸暖陽和通百脉吾
年六秩餘前路那可必未來不吾預已逝安容息及此未病聞
聊真一溉益

干窻曝曝背

清晨了公事及午身得閑南榮有晴日曝背於其間稍稍陽光
舒融和氣還時携一冊書眼花紛爛斑倦即書臥散盡腰脚
頑清於三杯餘甜勝一味珍人間有此適不憂天公怪世人暮
暖熱肉屏醉雲鬟雖得一餉樂憂喜常相闕痴兒亦笑我市中
有樵山

夜臥坑暖

京師苦寒歲桂玉不易求料粟換束薪掉臂不肯酬日糶五升
米未有旦夕憂近山富黑鑿百金不難謀地坑規玲瓏大穴通
深幽長舒兩脚睡暖律初迴鄒門前三尺雪鼻息方齶齶田家
燒楫拙濕煙泫淚沉渾家身上衣炙背曉未休誰能獻此術助
汝當食稠

漱聖俞月出斷岸口

未伏暑尚在兩點落未落夢覺起視夜缺月掛屋角
殘星橫斜河晨雞號天風幽人忘中眠紗燭明秋空

長白山行

長白山惟天北極白衣僊人常出沒玉龍垂瓜落蒼崖四江飛
下天神白匹馬渡江龍飛天雲起候王化千百至今甲第多屬
籍時清速馬爭馳突錦韉貂帽獵春風五陵豪氣何飄忽前年
朝騎瞰中原惟擬長城如削鐵君家兄弟真連璧胷中十萬森
戈戟向日論事天子前漢庭諸公動顏色心知不易一四命顏
肯貪功事無益西南方面應時須帝曰來前無汝易從來十益
不補損三輔蕭條半荆棘瘦妻曳祀女扶犁唯恐官軍闕糧給
嗚呼瘡痍尚未復且願休兵養民力老夫謬忝春官伯曰首書
生不經國行公功成歸廟堂再獻中興二三策

渡水僧

深作
注
三
卷
由

落日前溪渡鐘聲隔岸聞秋聲水淺作深可涉挽衣踏行雲
行雲忽破碎波動生魚鱗化為百千我何者為我身此身尚非
我况復影中人盡師盡其眼了此起滅因三生祠山夢一笑語
前塵

一僧屹中流杖笠行相隨波紋生足指照影光瀰瀰一僧到彼
岸前引如導師腰間雨下借身外一加絮一僧方欲涉結帶如
有思前山為飛夕後山雲起時君看眉頰間中有磨詰詩

時雨有序

時雨美胥莘公也公行臺移鎮平陽鄰畏其威民懷其德焉天
降時雨山川出雲天相休運是世臣維我世臣乃國于莘天
子命之牧爾邦民北風啾啾雨雪霏霏嗟我晉人而瘡而瘼吹

時雨
天降
天降
天降

之向之摩之拊之于燠其零于其飽飢既瘳既夷不嘯以嘻孰
為豺虎載柵載壘孰為蝨賊載安載理無擾我鄉我里無
伐我桑我桑我梓遠夷駟矣我民休矣公在在堂如春斯溫激
矢在壺折衝于樽民安于壘兵安于屯公在在堂錦衣繡裳散
予改為斯民不忘公在在堂繡裳錦衣我民之思無以公歸

皇武

昭在此處十字

皇命平章公移鎮陝石也望奮厥武如雷如霆獷彼遠夷載

震載驚帝命相臣蘇我疲氓維時莘公展也大成公目平陽移

鎮于秦世皆謂公在處男春公在在春有年無兵世皆謂公斯民

德星維此二方不寧不令帥臣議征發言盈庭公奏累上如山

不閱世皆謂公漢之管平既完三輔復保五城以迄于今夏

人請盟維將盡能維公竭誠公拜稽首天子之明我公歸矣我

民思矣詔公復起周邦咸喜願公百年以佐天子罔俾樊侯于

周專美

鄭子產廟

晉楚更霸爭雄尊勢如兩虎挾一豚玉帛事楚方南轅晉師已

及國北門鄭有人焉國無小晉楚雖大談笑了臨風三歎醉清

樽注目蒼波望高嵩

過湖成

暮行潼關道百里蒼山昏勢斷忽平野大河東南奔我行屬冬

冬季風雪浩以繁玄雪結層陰旅貂不得溫豈不念白首出使

萬里番情惜彼守凍者提鞍復何言

過閩鄉

秦關百二天下壯百萬雄師未能傍函關未了又潼關潼關之
坂何等閑九齡升逐姚宋死邊將邀功從此始今年西屠石堡
城明年又起漁陽兵朝廷欲籍邊將重不覓胡雛心暗動祿山
前死未可知離有漁陽突騎將奚為自古明王重用武莫笑書
王陳腐語

含元殿

秦山從此來宮殿何巍巍含元遺址在下建十丈旂當昔休明
日軒陛朝諸夷一旦人事改翻生牧羊兒譬如元氣衰百疾攻
四肢陵夷更五代興亡如奕棊塵埋梨園骨火燒花萼碑寢殿
通樵徑宮牆插酒旗至今明月夜石馬空聞嘶蒼天不可問渭
水空自馳誰為後來者應與此心期

過乾陵

乾陵故梁山也旧有栢萬株亡矣有石蕃王
像來朝來者六十四至今猶存下有章懷太
子墓

杯

曉日上乾陵乾陵何巍巍前瞻對雙闕上有十丈碑左右蕃夷
像想見朝貢時一柱土未乾衮服易禕衣好還雖天道剪伐盡
本文淒涼廬陵謫慷慨皇臺辭賴有狄相國取日洗咸池毋后
盜國鼎呂氏非薄姬中睿乃其子天幸亦其宜驪山三日火見
笑牧羊兒如何陵上栢獨有神護持千秋百歲後魂魄復來茲
故山草木猶應悔復辟蓬天回西日照歲暮北風吹南登梁遊
園默誦胎陵詩

發棗社

夜發寒社驛寒鞋見明月。照斷崖冰風吹陰磴雪山重複峻
嶺十步九盤折兩崖夾深澗線路僅容轍絕車下百尺輾轆聲
未絕坡陀到平有稍喜見雉堞隔城聞鐘鼓星斗何歷。故人
相勞苦杯酒慰後夜蘭秉明燭相對恍如失

過寧州

季冬落日黃霜雪原野白驅車上峻坂十步百夫力我行未半
嶺回視但木末白雲在高頂可望不可及北風推去翼孤煙帶
遠客居人候征騎倦僕望前驛蒼皇下坡陀張燈已昏黑

游華山

我從秦川來歷遍終南遊暮行華陰道清快明雙眸東風一夜
飈作惡塵埃咫尺迷叢幽山神戲人亦薄相一杯未足陰霾收
但見兩岸巨壁列劍戟流泉夾道鳴琳瑯希夷室綠蘿合金仙
鶴駕空悠悠石門忽斷一峯出婆婆石上為逢留上方可望不
可到崖頭傾路絕令人愁十盤九折羊角上青柯平上得少休
三峯壁立千仞其下無址傍無巨壺仙掌在霄漢銀河飛下青
雲頭或云奇勝最高頂脚力未易窮冥搜蒼龍嶺瘦莓苔滑嵌
空石磴誰離鏤每憐風日四山下下不見底惟聞松聲万壑寒
颼颼捫參歷井上絕頂下視塵世區中囚酒酣蒼茫瞰無際塊
視五嶽芥九州南望漢中山簪如碧玉抽况復秦宮與漢闕飄
然聚散風中漚上有明星玉女之洞天二十八宿環且周又有
千歲之王蓮開花十丈藕如丹五鬣不朽之長松流膏入地盤
蛟虬採根食實可羽化方瞳綠髮三千秋時聞笙簫明月夜芝

軒羽蓋來瀛洲乾坤不老青山色日月萬古無停輟君且為我
挽回六龍轡我亦為君倒却黃河流終期汗漫遊八表乘風更
覓元丹丘

傲淵明自廣

天地有常度日月有常数有生則有死如朝必有暮來者不可
却去者那容駐但喜故歲新新年行復故故交零落盡世豈能
久往年衰性目忘所以語多誤况復眼半昏文字宜少戲前路
那可知正宜委運去幸近者稀年無復更多慮

和淵明飲酒

翩翩萬里鶴日暮將何之昏鴉擇所安笑汝不知時孔席不暇
暖此理吾何疑尚愧淵明翁濁酒時一持

少長慕富貴老大思丘山一為妻子累不肯踐斯言誤落塵網
中醜倪四十年音衰有兒子門戶幸可傳

漆園去我久舉世少真情晉宋多名流惜哉亦虛名浮虛忘軒
冕踰檢稱達生淵明初亦仕不為寵辱驚笑彼夸毗子空談竟
何成

貧賤豈不苦仰慕冥鴻飛富貴豈不榮乃有黃犬悲苦樂各異
趣嗜好從所依我欲作九原獨與淵明歸掛冠不待年况此齒
髮衰遥酌一杯酒毋使寸心違

琳宮雜龜鼈頰厭鼓吹喧既久少人事却愛幽居偏南湖有
奇趣雲峯可當山一雨溪水漲稍魚為還我亦樂其樂可為
靜者言

好醜無定在當時者為是彌子當寵時安知後來毀世道每如
斯吾生幸不爾舉世尚五弦安事於綠綺

小年喜草書臨池學伯英縱橫挾造化如見萬物情墨濡四溟
窄筆落三山傾年來頗自笑惜哉以技鳴白首竟無得俯仰愧
此生

秋菊有至性霜松無俗姿采采黃金花笑撫蒼煙枝偶有杯中
物成此一改奇白雲南山來出岫復何為醉卧東軒下聊脫人

間羈

今日好天氣清晨雪雲開東風如古人適我平生懷見南來燕
孤雌與雄乖暮歸主人堂梁間已及栖巢仰覆其子又補新巢
泥翩翩隨陽鴈幽真苦難諧江湖偶相失咫尺雲路迷哀哀霜

雪除獨向胡天迴

鷲鳥閉籠中舉翮觸四隅騏驎駕益車踟躕困中迷一朝遭識
拔未免為人驅傍觀信美矣自嫌良有餘不如兩無累還我田
園居

千載淵明翁誰謂不知道閑賦責子詩調戲乃娛老杜陵蓋自
况亦豈恨枯槁壺觴清濁共適意無醜好歸來五柳宅守我不
貪寶貴長嘯天地間獨立萬物表

憶昔告歸老方屬老肯指時眼昏頭半白誓將從此辭幾年不得
謝因循到今茲耳聾左目盲決去吾何疑君恩雖云重竊祿良
自欺乘流且復逝遇坎將安之

昔我謝事時曾造老衲境謂言方閑去如醉不得醒至要無多

言退步心目領一朝誦誦底脫露出囊中親有如階室中照耀
賴燭炳

嚴風大澤枯霰雪寒威至此時陶彭澤相與父老醉醉不必工
顛倒無輪次處世貴無名不知斯我貴斯人今則亡三歎有遺
味

憶我滄水陽經營五畝宅修行幾萬竿今為狐兔迹相逢問卿
舊里巷不盈不盈鞋驚獨在鬢髮颯已白一醉齊彭殤無為空

歎息

幽居澹無事雅志了玄經眼花憎文字悠悠竟無成中夜起無
寐披衣守寒更梅竹散清影素月流廣庭孤鶴唳逸響切切寒
蟲鳴撫卷長嘆息慷慨側中情

淵明雖不仕愛此北窓風曲肱枕書卧梁亦在其中時持一杯
酒賴此齊窮通大笑杯中蛇晚笑悟雕弓

漢儒博注學未為無所得秦火少完書豈免烏烏惑後儒補罅
漏聖道稍開塞俗士喜操戈又一秦相國且共歡一觴多言不
如默

昔我平生友我冠及偕仕居官不避事力學固為已非無濟時
策龍斷亦云耻行年未六十賣志沒萬里蹇予隨朝班星霜幾
四紀譬言如遠行客日暮尋所止養志歸田廬晚節猶可恃

淵明非嗜酒愛此醉中真謂言忘憂物中有太古淳回首市朝
中萬事牛毛新去年拚使節悠悠過西秦宮闕隨飛煙衣冠化
塵埃當時憑軾士慷慨嗟徒勤所以山林客樂與魚鳥親西登

太華頂曠望長河津寄謝三峯雲脚欲濫五巾誓將從此去笑
謝當途人

擬和尚常蘇州

和西澗

兩荒行迳草業叢生樹隔前溪一犢鳴步尋幽澗疑無路忽有
一家略約橫

和煙際鐘

近聲歛暝色遠山猶夕暉聲從煙際起復回煙中微隨風散林
野渡頭人未歸

和西塞山龍門

雙闕聳岧峣神斧忽中斷一水從中來千龕道傍滿

和山耕叟

步逐麋鹿迹詎知朝市情負薪南澗曲荆棘雨中行呼兒問牛
飽又向山田耕

和上方僧

石潤雲生初崖暖月照禪曦衣橫竹錫洗鉢落嵩泉但見山花
發幽谷不記年

擬詠夜

明從闇中去闇從明際來流光不待曉闇盡玉爐灰

擬詠聲

萬籟靜中起猶是生滅因隱几以眼聽非根亦塵非

和寄全椒道士

潘清容自鄆移接觀
典中除喬象之同各

親移白閣峯遠訪中條客結茅授經臺共坐雲間石松龕讀易
朝月窓談道夕從此到終身區中了無迹

和游溪

清溪霧氣散水渾天影空白雲翻着底移丹明鏡中鳥近前灘
日花移別岸風遙知夜來兩山色翠如葱

和秋齋獨宿

冷暈侵殘獨兩聲在深竹驚鳥時一鳴寒枝不成宿

和聽喜陵江水聲代深師答

驚滿瀉石崖百步無迹跡受此喧中靜聊布安禪席水無激石
意雲何轉雷聲仁者自生聽達士了不驚心空鏡自寂澹然兩
無情

和演師西齋

不見竹間僧但聞花外磬敲檻出魚遊巢簷知鳥性雲蒸生禪
石露濕行道逕夜寂一燈殘山月來破暝

和遊開元精舍

松軒風掃靜終日閉門居犬卧青苔地鳥樹紅柿初熟殘夜禪
起經潤雨翻餘目是少人迹非閑往來疎

和谷中山道士

行轉清溪又別峯馬蹄終日認樵蹤翠微深處無人住寺在深
山河處鐘

和西樓

十去龍沙鴈年年又不歸煙塵猶未息莫近塞雲飛

和琅琊寺萬壽寺

茲寺廢已久經構昔未遲一朝煥金碧煌煌耀東崗
文母開大施天厨來衆香縈回轉佛閣窈窕闕禪房
平地府歸鳥高齋在上方宿雲不歸山野水自成塘
道人如水鏡見者心清涼理勝是非遣慮澹形蹟忘
歸鞍惜清境佇立暮天蒼

擬漠漠來帆重冥冥去馬遲

薄暮瀟瀟雨何人獨倚欄濛濛山氣重澹澹水紋寒
草際光猶泫松稍滴未乾燈前未歸客無夢到長安

擬何時風雨夜復此對床床眠

幽居少人事有客來不速爐中火正紅尊中酒新
綠高齋始聞鴈隔窅時動竹何當風雪夜抱被還同俗

擬綠陰生晝寂孤花表春餘

了無車馬迹終日掩禪關下下溪頭路坐看簷際
山好馬破午寂幽花澹春開簪組方為累來遊不知還

擬兵衛森畫戟燕寢凝清香

冠帶事朝謁清坐彈鳴琴以彼塵外趣遠我遺世心
岸憤送歸鳥隱几見遙岑聊得靜者樂豈必居山林

送麻徵君知幾

丹山五色鳳一舉眇天隅文采瑞聖世不為竹與梧
溼注汗血種逸氣凌九區可見不可繫白壁誰敢沽
夫君號神童七歲能草書二十上詞賦下筆凌紫虛
三十富經學兩魁天下儒娥眉衆語嫉反畏知名譽
一朝相捨去觀以道自娛閑觀養性書洞

究先天圖姓字聞天朝相公借吹噓左丑使容拜恩命移疾還
里閭諸公惜其去之留侍玉除掉頭不肯住一飯吾豈無君者
澤中雉飲啄良目如一旦畜樊中意氣慙不舒又如田間牛騰
擲適有餘被之以文繡觀影反痴如野君恩豈不重力疾須人
扶旁觀信美美遠已非病歟不如本無累還我田園居喜君節
獨高知君功名疎可以激頹俗可以勵貪夫異時高士傳名典
西山俱

飲馬長城窟行

飲馬長城窟泉腥馬不食長城城下多亂泉多年冷浸征人骨
單于吹落關山月茫茫原上沙如雪去十征夫九不迴一望沙
場心斷絕胡人殺戮為耕作黃河不尽生人血木波部落半瀟
條羗婦翻為胡地妾聖皇震怒下天兵天弧夜射水花頭滅九
州復禹跡万里還耕桑但願猛士守四方更築長城萬里長

猛虎行

孤虎在深山一怒風林披朝食千牛羊暮食千熊羆虎暴尚可
制人還寢其皮耗頭飛精光落地為積屍焚山積草木血陸成
汚池萬靈泣上訴生民將何為帝怒勅六丁雷電下取之埋魂
九地底壓以秦山坻然後天下人規得伸其眉寄言顛越者毋
俾育種遺

做老杜無家

弟妹他鄉隔無家問死生兵戈塵共暗江漢月偏清落日黃牛
峽秋風白帝城中原消息斷何處是秦京

放劉長卿出塞

上山搖白旗下馬駐旌麾。虜騎數重合漢人。三日圍天寒短
兵接日暮戰聲微。萬里天山北招魂葬不歸。

其二

初從召募軍麾下。點行頰衣上兩行。洗燈前萬里身。鼓聲青海
振戰骨。黑山塵落日邊風。起蕭蕭愁殺人。

楊妃墓

灼灼陌上花。青青路傍草。人心任榮瘁。過眼無醜好。馬嵬三尺
墳。西出劔門道。如何傾國顏。傷心不同老。

李夫人

夫人臨訣時。掩面羞人主。空餘返魂香。默默不得語。千秋百歲
後。粉黛化為土。一笑不成妍。春風花自舞。

延安滋戒師。余初主安塞堡。薄時相識也。今戊子歲

春被命作醜平涼。偶得相會。以四十三年之舊。故集

句以贈

五城何迢迢

杜

閩河茫茫隔波浪

許表

與君別來今幾時

盧翰

林白髮三千丈

王琪

形容變盡語音存

東坡

閑思往事似前身

梁天

四十三年如電抹

東坡

欲談前事恐無人

子由

龐眉皓首無任

着杜臂上念珠如皎日

唐僧

架上楞嚴已不看

東坡

更看脚根

恭一節

山谷

人生何處不相逢

丁鬼

猶恐相逢是夢中

晏叔

全

是行人更分首

山谷

明朝馬車各東西

歐陽

閑閑老人滄水文集卷第五

閑閑老人滄水文集卷第六

律詩 五言

塞上

窮邊四十里野戶兩三家山腹過雲影波光戰日華汲泉尋澗
曲樵路入雲斜隨分坡田罷還簪野草花

因尋射鵰壘偶到殺狐川鹵地牛羊瘦邊沙草木羶廢城餘井
臼古戍斷烽煙自說無征戰經今六十年

薄宦邊城裏經年無客過一川平地少四面亂山多野色連秋
塞邊聲入暮河日貂寒更薄飄寄歎如何

樹靄連山郭林煙接塞垣斷崖懸屋勢漲水沒沙痕烽火雲間
戍牛羊嶺外生村太平閑撒手文字付清樽

寒夜

歲晏寒無那夜深清欲飢竹風驚夢斷雪意聽窻知稍稍鵲翻
樹蕭蕭人語籬虛明滿吾室何許月來時

三山渡口

春水三山渡斜陽八字堤河淤樹葉短沙截草痕齊地細黃流
大天^有脚沒澤低故人下我見愁思使人迷

西陵

藹藹西陵樹蕭條歌吹聲客愁連斷鴈地古更荒城山色嬌新
雨河流怒不平浮雲臺上起下盡古今情

相人光武廟

真人開有漢帝業肇無萎灑落君臣契艱危廟社圖山川扶廓

邑日月拱東都社稷千秋里風雲四達衢北風吹雨雪西日照
桑榆^有物餘翁仲荒時祠老祝巫功臣遺像在時有鼠^有脚^有須

正覺院

西日轉廊腰踈鐘送沈寥壞牆綠苔竹破屋上凌霄白髮知僧
臘青燈更客宵葉聲風外^有窻雨續蕭蕭

開元寺

歲女開元寺槐華落石龍僧瓶深碧甃蝸壁篆金容窻影年
塔禽棲夜夜鐘平生睡秋兩竹閣味偏濃

散策

解鞍成小憩散策逶迤欣偶拂水邊石坐看崑上雲桑麻深畏
景水竹淡斜照興寄方自得清涼誰與分

過陸軍

郭從陸渾去不^過紫芝還焉飛不盡處夕陽千万山雲起動兼
靜水流忙更閑坐待石上月滅沒煙嵐

梁園中秋

今夜梁園月相逢照一尊他時千里共此會幾人存老我追隨
尽憐渠笑語温不眠瞻玉兔終夕露荷翻

梅和尚節使挽詞

慶戰羣奔外申威一呼間功名歸死事義勇鄙生還笑向胡天
盡了猶漢月弯弓王思戰苦起塚象天山

走卒知處將兒童說義州其心輕白羽舌戰脫兜牟

授絕揮戈地創餘振臂秋英魂知不泯結草抗邦讐

温妃挽詞

白日森容衛青春忍夜臺禹湖龍已去襟館燕迴空仙駕隨天
遠挺奩側聖哀祇應彤史上遺采不塵埃

其二

容衛三春肅如何一旦殊妃星淪紫極帝子眇蒼梧卜地陪長
梁升天後禹湖呈情何以慰彤管載嬪虞

和西溪思歸

好在西溪隱人今白玉堂興來看畫本夢去拂詩墻旧竹多年
合新松幾許長從渠黃石老獨占白雲鄉

獄中

處順初無累安時故不憂敢違身後慮甘向死前休有姊如工

卻無兒似鄧收 天地意還許望松楸收

徒倚

徙倚秋原上長吟動所思草荒天馬瘦日落野鷹飢多病親朋
改中年齒髮衰功名付公等才力况明時

寒食遙奠西山寺

榆中草色無春水稍漸車野祭一盂餘飯鄉愁千里餘年年寒
食客日日故園疎莫訝交親絕愁康懶寄書
年來百事廢漸與世情疎按上一杯酒床頭幾冊書春風疑混
沌水月似虛空頃刻翻晴晦吾心澹久如

赴寧化宿王道

山屋如鷄柵才容卸馬鞍風吹四山雪月照一川寒不敢侵星
起惟愁上嶺難中宵問前路安枕若為安

觀音院

棟宇懸崖上風煙勝槩中寒通汾渚月清帶雲山風茗水蠶籠
得棊燈鑿牖通仍聞馬頭寺別業亂山叢

北垞

驅馬北垞上山光澹復深夕嵐無遠近返照有情陰泉落莓苔
石風光松樾林悠然成獨酌啼鳥是知音

蘆芽山

荷葉平初尽蘆芽勢漸分朝來知宿雨谷底見歸雲日上松猶
滴風來草自薰臨溪歸路險萬筏下河汾

荷葉平

平生慣山水見之如并閑
竭來驚老眼何處無名山
嵩峯千峯外蒼莽一兩間
山神應解事為我洗傷顏

管州道中

龜手酸風裏寒多酒不勝
馬蹄荒店雪人迹斷橋冰
瘦骨成山字霜華作戟稜
綠窓三丈日政爾夢騰騰

代郡張氏瑞栢堂

鬱鬱何年植盤盤兀老蒼
文章深篆籀忠義抱風霜
子舍占烏鵲孫枝托鳳凰
主人廊廟具會見拂雲長

謁北嶽

四大神儀一辟山大茂尊
奠方荒奠宅視祀配天孫
西送虞淵暮東瞻碣石
瞰寶符臨代郡巨鎮挹并門
控趙襟形壯已蒸氣

象渾九河探禹跡萬里叫虞魂
在昔登封始初無羽衛繁千官
駢部曲萬騎隘山樊卜地恒陽曲
移祠秦始元晉移祠曲陽荒碑刊

歲月飛石碣乾坤帝秩加
黃屋宮居象紫垣雪捐朽芝瑞兩砌
裂槐根天業恢弘大山靈羽衛屯
巫閭歸帝制長白發金源九

廟龍盤接三邦蛇勢吞雲煙
浮近甸日月遶中原疑欵謁天香
重封題御署存金銀諸產富雷雨
靈奔神聽羞回德天聰納正言
負時月九死去國淚雙痕日近
趨天闕生還記聖恩許身空稷契
無術補羲軒帝錄長桑洞仙叢
張果村居如可近重整此山轅

過黃崖

患難驚身在龍鐘感歲新
山川愁倦焉歲月老人行
落日黃崖

古東風白霄春傷心潢水北無乃久風塵
落日逢人恐深秋動旅懷辭乳鷹家碧嶂飢虎乳黃崖此道將
何適吾生尚未詣傷心墟落裏犬紙有殘骸

桃花崑回寄王伯宜

水破村橋擁春寒旅鴈低遠山封霧小高浪與雲齊崑寺明松
雪潮船濺藕泥詩情吟不盡寄語畫中題

咸平道中

道壤綠岡遠村流自作塘夕陽開野色秋水納山光兩在林逾
黑鳥歸天更蒼冥搜無好句淡墨寫微茫

慶雲道中

對岸青山隔孤城碧浪開綠蕪天合白鳥日暹迴渡口呼舟急
沙頭立馬催夕煙生極浦欲上客衣來

中秋金河感懷

金山今夜月遼水一尊同鴈影不復北馬蹄猶向東山川新戰
血宇宙日飄蓬擾擾余生事愁來醉眼中

登巢雲樓

烽火三年戍沙陀幾戰場自予甘薄宦與子各殊方寒木銅春
色高樓閱夕陽如聞洗兵馬失喜問臨潢

和楊子元

紅葉如人老黃花與世疎物華行婉晚天宇迴澄虛山作憐風
盡鴈成人字書相逢一杯酒秋興各何如

小兩班班落庭視撼撼疎秋涵山骨冷天入水痕虛多病難忘

酒窮愁強著書深漸靈感老時復問如何

松下獨酌

行人隱微逕古寺帶崗山勢依城斷河流入野長樹欹枝壞道
草卧歷頽牆獨酌無人共松風薦一觴

松山道中

松漢三百里飄然一日中山長雲不斷地迴雪無窮遠嶺貧殘
照深林貯晚風煙村一迴首獨鶴下晴空

壘翠巖

枯拵似黔突斷崖如削瓜林深日風雨地古更煙霞脚力行將
盡雪山殊未涯試窮千里目直北際龍沙

飛身清曠外着眼有無閑崖斷疑無地雲開更有山鳥隨天影
没人自日邊還歸夢扶清境詩情不得閑

帳殿臨青嶂蒼崖襲翠煙孤根盤厚地秀色入蒼天井有四時
雪叢垂萬古泉聖情非暇豫問俗到山川

陪李舜咨登懋忠寺閣

日月纏雙拱風煙納寸眸雲山浮近甸宇宙有高樓鳥外餘殘
照天邊更去舟登臨有如此况接李膺遊

宿崔家莊

野次寒山外人家霽雨中飢鴉蹲落照危葉顫西風墻缺青山
補橋欹白水通豐年聞好語倚杖問衰翁

通潯水

夕陽山路處平照大河流漠漠雲間樹悠悠天際舟黃塵隨匹

馬白水自雙鷗會得閑中趣浮生半白頭

通許道中 南征

曉迓三軍發清寒苦不禁征驂過野店寒火出疎林宿火留行
客霜枝滑凍禽攬鞍閑覓句愁些不成吟

廬州城下

月暈曉圍城風高夜斫營角聲寒水動弓勢斷鴻驚利鏃穿吳
甲長戈斷楚纓迴看經戰處慘淡暮煙生

章宗挽詞

鳳紀三千歲龍飛二十年竟辭徽號冊空頌栢梁篇授聖金滕
起遺言玉几言宣建平何苦讖兩泣戴仁天

暮春

自嗟中歲在不典暮春宜非復歡娛地其如天大時百年歸覽
鏡萬事入支闕此意無人會陶情一賦詩

汝瓷酒尊

祕色削尊形中泓貯醪醕縮肩潛蟻蛭蟠腹漲青寧巧琢晴嵐
古圓瑤碧玉熒銀杯猶羽化風雨慎緘局

湧雲樓雨

滿地江湖夢連陰晦朔秋雨中山似醉風外浪如愁眼痛憎黃
卷心安任白頭明年一官滿誰復話登樓

窮愁

乍喜三庚伏還驚一葉涼窮愁天色少睡思兩聲長掩卷悲興
替懷人問在亡平生庾開府詩興未能忘

何處新愁好飄蕭意欲仙
乍涼新雨後欲曙未明前
莎影蛩吟地松稍鷓啖天
物情無好醜適意各天然

和潘師韻

睽離三十載重此叩玄微
日月雙蓬鬢乾坤一布衣
月明渦水宿秋老華風峰
歸不得陪仙馭浮生有是非

和政老九日韻

數日閉齋臥體中殊不佳
那知是重九但喜見黃花
矯首懷天末携壺傍水涯
琳宮題壁處醉墨字欲斜

贈茅先生

二室神仙宅三茅道士家
野人遺竹簾劉仙編竹簾以給公朝夕弟子掃松花
有道能擒虎無心任踐蛇
天平有陳迹吾欲老煙霞去岁共至公廬

公了無懼色兵亦不敢害

大雪

大雪無朝暮衰年見未曾
園林春浩蕩川岳氣憑凌
雲糝天應漏陽微井欲冰
水欲尋安道舍何處一龕燈

其二

大雪欲平簷黃昏氣轉嚴
天邊迷草樹雲外失烏蟾
天意平高下人情有愛嫌
抱貧酬桂玉樓上醉厭厭

雪霽

黃雲霽雪威寒日淡暉
兩砌晴光滴風簷落更飛
侵凌池面瘦擁腫樹身肥
長憶廬陵老憂時詠鐵衣

十月菊得深字

地偏開較晚風勁可能禁
兩清金英淺寒添紫暈深
抱叢無晚蝶窺葉有貞禽
留待飄零後梅花約重尋

白鴈

波淨影逾白霜清吸更哀
乾坤雙鬢老風雪一聲來
林迴隱猶見天長去復迴
物情嫌太潔莫使羽毛摧

雪

朔雲連鄭圃飛雪滿梁園
猛勢沁心滅清聲竹外繁
飢鴉寒啄樹取屨踵臨門
何以娛佳客開軒對一尊

野菊

離離嵩下菊無主混蓬茅
簾聲拂燕池影柳蹲鴉天
入濛濛兩春歸淡淡花春
遊心未老墻外度香車

野菊

離離嵩下菊無主混蓬茅
路斷光秋隔山明水影交
荒叢鳴蟋蟀寒葉掛蠨蛸
擬訪陶廬飲柴扉何處敲

嶽觀

步屨方壇上行吟避草芽
簾聲風拂燕池影柳蹲鴉
天入濛濛雨春歸淡淡花
遊春心未老墻外度香車

秋雨

天邊認遙電雲際尚殘陽
雨脚夜深白濤頭晚霽黃
沙邊明鴈影林外見山光
擬盡登高興秋懷祇目湯

手拍樺皮琴彈圖

何人聊幻巧袖裏出毫端
道眼無二見心齋廢六官
煩君無耳

聽寓我非指彈攙却伯牙手秋風萬籟寒

早出新安

夜宿新安驛平明雪塞礙馬頭迷舊路虎跡印新蹄冰凍寒流
映天脚遠路低人稀山店遠茅屋只聞雞

明惠皇后挽歌詞

皇明齊月象厚德配坤元惻怛憂民意勤勞毓聖息國風悲倦
耳星緯暗軒轅喪妣人心痛哀號望寢園

威儀文物構祖載出散塗薄塋追三代嚴禋致九虞仁息遺鳳
詔功德載龜趺左右重興業詩書讚永圖

太極齊元始三光並照臨勤勞憂國念惻怛愛民心玄鳥歌啟
母思齊詠太任兩朝唯儷美萬古播徽音

階堦凋葉盡宮漏滴聲殘玉俄遺訓龍棲罷問安雲容愁慘戚
風色慟悲酸建千古餘功德煌煌玉冊寒

疇昔占蟲夢建今來嘆鳳飛漢官貽內則文母謝芳徽永以重泉
夜空餘大練衣魏郊寧久駐會有德陵歸

阿母瑤池去應歸海上峯寶奩空有象練帷靜無蹤孝享嚴三
廟輿儀溝九龍獻陵今密邇揮淚灑秋松

聖德高千古慈闈十萬春地維揚絕紀月彩忽韜輪應物歸先
識憂民感至仁神儀雖已闕遺範不埃塵

膺符稱太母衍慶廣金源衣練蠲重彩躬蠶屈至尊賜冰防病
賜恤獄恐民寬孝意遵遺訓詞臣嘆永言

葛覃歌節用卷耳頌求賢遽厭人間世還為物外仙會觀羞采

露無復夢捫天玉座虛長果依然夜月懸

謙抑傳家法寬仁沃帝聰禮從光教塔時奉孝嚴宮皂隸息皆

及嬪好愛恣同曉階花泣露應是怨西風

慶源鍾馬鄧何止活千人陰化行中壺私推抑外親鳳輿歸厚

夜蠶館闕長春蕭寺諸嬪御能忘賜饌頻

方享東朝奉祇幾甲子還玉梳音窅：彤管事班：陵寢音容

閱蓬萊日月閑丁憂遺誥在恩澤滿人間

式屬多難除方承長果歡霜飛金殿冷月沒桂宮寒兩泣愁雲

慘風悲殫露殘南山為落日遺美豈能刊

一紀坤儀正千齡母範彰徽音齊太姒厚德配娥皇衣練昭純

儉因山戒厚藏心傷彤史上千古播遺芳

緜氏傳仙裔燕山啟夢符化人先正已祈福為民敷疾殆申遺

命憂深示永圖傷心虞帝事煙雨暗蒼梧

奔走來群辟哀推動百靈妖汾煙壁月霄漢頃軒星玉几遺周

訓粧奩泣漢庭近畿導薄奠神意想來寧

身尊恒率礼右正更持謙椒掖坤儀正天庭母訓嚴鴻名登玉

簡遺像入霜縹異日朝陵處應須啟鏡奩

寬和能待物疑密勸行仁道德持三寶忍私逮四民兩朝龍

陰漢礼十亂冠周臣一旦仙遊去空餘四海春

心知為善樂敬博又尊師國化濯衣儉民歌賜藥慈誦經虛玉

案奉佛冷金彝遺旨無窮恨風吹徧九疑

六綉辭秋歿玄堂啟夜扉一朝藏壽器千載閱容衣縣像軒星

掩哀歌薤露稀松楸交隧道會有五雲飛
保阿成訓在閭闔令儀昭儉德高千古仁聲溢兩朝事隨流水
遊愁逐冷雲飄仙馭知何適憑誰問沈寥
陰化毗乾造熙朝親母臨功勳新女史德澤決人心偃月丰容
閱軒星瑞彩沉笳聲哀不盡陵栢目森森
元勳施社稷茂德庇人民色養嗟中阻靈遊忽上賓侍臣歌薤
露神物護龍輜耐廟推尊謚千齡寶冊新
太妣敦周化塗山啟夏家尊名天比峻淑德日增華孝享年何
切仙遊望愈賒空餘遺令在攀慕極幽遐
天禍纏興度幽堂掩后禘徽音知有詞孝養痛長違夜月空椒
慳秋風冷玉衣遙瞻陵窆上悵淡暮雲飛
風急搖寒樹虹蜚薄太陰雲隨仙轍遠塵入綺簾深索莫長秋
外蕭條湘水淥聖情持悵望流淚滿宸襟
吉夢桐天後明禋配地時嬪虞彰淑慎生武極思慈無復金輿
返空瞻畫翣馳蕭蕭松柏路長夜闕神像
玉音昭懿行彤管列閼休今日歸陵窆何年返玉樓聖心方盡
孝焉馭竟難留陵樹西風裏千秋萬古愁
群生資茂育至德果難名憑几言猶在因山日已成西風翻畫
翣落日送銘旌羽衛歸來晚蕭蕭萬馬鳴
音容歸壽器管御玉衣閑聖孝空如暮慈顏痛莫攀雲愁縈汗
水霧慘鎖夷山悵望白楊路程車竟不還
孫謀詔嗣聖內教輔先朝孝敬全終始勤勞斷絕夙宵民菑憂

水冷邊患慮天驕大漸惟幾際猶思儉德昭

一紀成功者乘鳶上九天物生思德載聖慮想思憐儉素言猶

在寬茲事有傳禁蘭斜日晚空裊寶爐煙

飄颻成遠駕寂靜掩玄堂蕩：神功著魏：聖業彰周任揚溢

美藻鄧藹餘芳末命丁寧意憂民不暫忘

褒讚存公諫無慙六后名粧奩空有迹佩玉寂無聲祭享外清

廟哀號動聖情神靈陰有力保佑再升平

蘋藻親三奠禘禴禘六衣坤元方載物軒宿滬淪暉廟貌嚴新

祔神遊邈不歸白雲無處所長傍德陵飛

馮相方觀履巫咸忽告災千秋臨寶殿一夕閟泉臺纒紉悲長

往靈輜挽不回昊天思罔極長使聖情哀

仙源周太子華裔漢徵君主聖休祥著憂民儉德勤姜嫄所懿

範光烈恧鴻勳輔就中興業飄然返白雲

蜃輅陳彝憲萬人獻吉凶占郊衢笳鼓咽羽衛甲兵嚴雲氣迎

寫馭秋塵翳寶奩祝官揚至德簡冊發幽潛

月殿封鳶鑑風帟卧佩環百神來肅衛万騎尽虛还兩泣銘旌

濕風淒總惺閑仙遊無覓處追暮慘宸顏

月暈驚麝薄川流駭沸騰憂勤終典豫振抱似無憑長夜高銀

海愁雲恠玉繩聖心哀念切素惺每晨興

河上二首

另起

築堰分泉脉開溝斷菽荻芽風期占月暈水信識桃花早愛顏

河麥情憐喚雨鳩春隨挑菜侶月趁捕魚舟

雪中登真定閣

風月不如意寺樓高處吟城中十萬戶一雪太平心

連雪潮退

夕陽明崑寺海氣入邊城潮落青魚出泥深白鳥行

即山雜詠

天城

造化搏清氣秀出天城山青松伴僧老白雲如我閑

馬耳峯

房駟落人間入石露雙碧月明聞夜嘶驚落山頭石

仙人峯

世界幾微塵古今一昏曉笑謝區中緣獨物之方表

摩雲峯

青山本無情白雲目來往身在浮雲中仰看浮雲上

獨冠峯

大壩難為兄小壩難為弟百里見主峯眾山皆迤邐

五芝峯

白雲如幽人出山本無期朝來抱出石五峯成六芝

鬱秀峯

道人西澗來衣上南山兩心知石堂煙晴峯正堪數

泓雲泉

藹藹春雲滋巖溜滴泉乳獨留一泓碧去作人間雨

上龍門

南北兩石樓上下一靈鷲仰看蓮峯立忍見天門透

下龍門

亂峯排鳥道一水會龍門禹力不到處猶知滄海尊

奉命奏告山陵

祇命欵園陵俶裝事行役黃葉宿幾程青山館三日

西山積翠氣空外摩青天飛笳不到處獨鳥衝寒煙

山前紅樹合山頂白雲封山中有蘭若日暮聞疎鐘

山月出未高林深鳥猶夢霜落人未知寒添覺聲重

遊崆峒四絕

青龍洞

青龍下可見雲自洞中出為雨濟人間歸時杳無跡

仙人橋

絕澗初無路通仙忽有橋偶携青竹杖平步到雲霄

翠屏山

山作屏風樣其如空翠何不遮秋塞障空彰夕陽多

蒼雲亭

鳥詔山更靜松聲風自寒不嫌雲氣濕來此覺禿欄干

十二月初十日校是日大晴明
清常道人記

閑閑老人滄水文集卷第六

閑閑老人滄水文集卷第七

律詩

春山詩意圖

何年身入畫圖傳似是三生孟浩然
詩句工夫驢背上醉鄉田地酒旗邊
一川芳草綠堪染夾路杏花紅欲燦
想見歸來泥樣醉却如蘸水柳三眠

春日即事

支頰遇到野人家
摠把深心付物華
鳥毳餘情閑日月
花心深處半塵沙
游絲逆上風中柳
亂沫分屯水際植
且共年光暫覩
化直須美酒送生涯

酷暑

林鴉開味忘飛騰天地為爐萬象蒸水井湯鑿幾千尺塔鈴風
闕十三層夢魂正遶雲帆客盡畫本閑臨雪麓僧一枕兩窓惟靜
勝不須赤脚踏層氷
石枕繩床夏簟藤慢膚終日厭敲蒸夢飛楚澤三千里人在秦
樓十二層松頂露涼時警鶴山房泉冷獨輸僧人間膏火鑿城
市世外清涼勝飲氷

棕扇

犀甲龜鱗倚半空抱歸掌握自清風山精附木鬚髯古回祿煽
炎尾鬣紅何處青蠅千里外面向來白羽一揮中水邊石上應
須此之與文園病肺翁

三臺懷古

人道姦雄君似鬼姦雄我道鬼輸君身猶北面魏基建骨入西
陵漢鼎分貧與叩金城舜禹不知典干笑桓文清漳不洗前朝
惡日遶三臺送夕曛

寄王學士

寄典雪溪王處士年來多病復何如浮雲世態紛紛變秋草人
情日日踈李白一盃人月影鄭虔三絕盡詩書情知不得文章
力乞與華黃作隱居

登友雲亭

友雲飛觀鬱崔嵬落木蕭蕭聽者哀九日未絃和鴈斷開年黃
菊費詩淮淮天雨露橙千里梁地風煙酒一杯此日此生人共
醉明年重健與誰來

除日

梅花無信報平安又聽譙門畫角殘荒群人煙窮臘外上方樓
閣晚雲端沉沉鳥渡天無盡漠漠煙昏山更寒日暮數峯猶帶
雪城頭霽色入欄杆

龍鍾三十九年春諱說新年似諱貧醉白名堂其後進小坡著
號似前身自憐耐辱稱居士人笑無機是道人斷送生涯一枝
足不須長物擾天真

娛暉軒

古晉地形今日眼幾人亭榭幾人詩數州山水有窮處千古風
煙無盡時天遂南流秋雁作遠峯遮西望夕陽遲客來款問忘歸
意掛起僧軒君目知

馬頭山清居院

每逢佳處輒安跽及到清居半日慳曉壁撼鐘雲離石夜泉洗
鉢月搖山人生能作幾時客林下都無一箇閑不信試看題壁
字明朝多是馬頭遷

松聲

飛廉作意怒髯龍万壑千巖氣象雄獨窈窕夢中搖夜月七絃徽
外寄秋風石壇醮罷支笻裏天竹齋餘隱几中想見紛紛吹子
落山堂一枕耳偏聰

林里堪酒

乍坼香泥甕釀成一鞭先到日邊城玻璃色映薔薇露沆漚光
浮金菊英偶脫中州先酒譜賴博後世以詩名相如病渴烏能

賦又美吾襄東畏後生

連雲島望海

壯觀天東第一遊
晚披絕島寄冥搜
烟中能岳隨潮沒
天際遼江入海流
地絕四維那辨樹
風來萬里忽通舟
我從折木西南境
回望中原四百州

庚申元日

一從禁苑別花埭
四度山城自作年
愁裡椒盤雙淚落
坐中歲酒幾人先
此心不動吾何取
老去知非理固然
白髮無兒何足道
且煨薪火煖離杯

送張仲山

千山飛雪白皚皚
袖裏吟鞭送客來
髮出冰霜平貌改
眼藏猿貉語音猜
風吹陰磴臭鱗卷
日曝曝陽坡龜兆開
北去人煙山石遠
且煨薪火煖離杯

和林卿錦波亭韻

使君具寄本脩然
愛此澄波清且漣
楊柳陰中黃鳥地
芙蓉香底日鷗天
涼通簾幌風生座
露沁琴尊月滿船
相見僊裾乘一葉
恍疑太乙下雲邊

白雪雜興十首

黑山潢水解弓力
茅屋朝來聽伯勞
萬里馬辭邊雪苦
一聲鴉拂朔雲高
閑山落日家何在
許酒春風氣尚豪
試上荒城望鄉國
重來清鏡鑷霜毛

南園

塹水垣城斷往還青林踞轉疑幽関百年樹腹通人過四月花
枝對酒閑逸馬風牛春兩草荒天老地夕陽山金丸逐勝非吾
事心在歸鴻滅沒間

翠微軒

千里風煙棟宇間地形西去接松関尊前奚雪來朝地雲外幽
營不斷山故壘蕪城人物換斷霞落日古今閑百年興廢人空
老水自東西鳥自還

鎮國寺

靈鷲飛來處：尊緣雲細踞絡城根百年殿樓倚天末万井風
煙當寺門五月微涼清佛界六時豪吹動祇園四山放入無多
力乙與西南構一軒

七金山寺

剝簷篆額蠹蝸涎像教塵埃閱百年殿棟猶題遼日月圖經不
載禹山川荒碑盪屈蜿蜒古懷壁忝覃罔象拳想見當時崇奉
日邊無花雨散諸天

野香亭

半空欄檻倚雲根暇日登臨付一罇山上青蓮唯見塔水邊綠
樹定知村花枝低拂尋春騎杜宇頰傷久客魂過盡芳時游客
少一軒風雨送黃昏

靈感寺

徒河岸北白蓮東法鼓驚飛碣石鴻塔上風煙高鳥踞山頭雲
雨化人宮松林礙日蜂房冷石砌頽沙蟻穴空教盡林公揮塵

梁鬢絲羞對落花風

蘭若院

傳經蘭若歲時同繡轂珠簾处处逢
花院鳥歸深殿磬雨樓人散
隔城鐘長空淡淡吞平野
落日微微見遠峯
年去歲來人自老
空餘壞衲掛長松

金河寺

何處人間六月秋
金河寺外水西頭
坐分游客青天幕
醉倒詩仙白玉舟
万里南風襲老鬢
百年心事一沙鷗
王侯蝼蟻俱塵土
一笑從來萬事休

趙園

佳木千章曲岸南
此園閱世似飛禽
地幽花晚春萋夏山近
嵐昏晴似陰
溪雨斷橋愁渡水
樵風吹帽怯穿林
馬頭納納沙邊路
霜葉濃時憶重尋

危蹕萬寧宮

一聲清蹕九天開
白日雷霆引仗來
花萼夾城通禁籞
曲江兩岸盡樓臺
柳陰罇日迎雕輦
荷氣分香入壽杯
遙想薰風臨水殿
五絃聲裏阜民財

琵琶嶺

曉拂朱欄滿袖風
支頤吟望翠微中
薄雲滿日巖開碧
殘露離花澗
滴紅馬散平坡臨水聚
人來盤踞到山窮
子雲老大無才思
懶賦長楊五柞宮

拂雲平

六溶溶和氣月明中

轅門不寐

蕭蕭傳柝月三更
欹枕轅門听鼓聲
戰馬不肥淮甸草
征人愁望歷陽城
兵戈在耳音書絕
行李蕭條蟻虱生
早晚樓船下楊子
滿天風雨洗蛮荆

寄懷

不問山林與市朝
大都鴟鶚各逍遙
歸心老去投林鳥
壯志暮春來挂壁
韶聖處工夫惟易可
閑中日月似琴消
十年鏡裏功名事
白髮年來漸不饒

賦雪和張子野巡字韻

翰林風骨玉為神
天遣簷花送酒巡
侍從驂騑應白鳳
神仙官府不紅塵
懸知賴尾風流舊
不及鼈頭句法新
天上玉堂誰得見
風光滾滾筆頭春

揚秘監畫高士過閔圖

三生自是竹林游
寫出荒寒意外愁
世事盡知如翻着
薇人生剛笑倒騎牛
閔山風雪詩千首
富貴豪華土一丘
獨有文章磨不得
至今圖畫想風流

重陽後雪寄馬柔克

朝來飛雪白模糊
城郭山川入畫圖
一色乾坤還太素
万家樓閣化清都
狐裘貂帽將軍騎
金帳羊羔太尉姝
何似吾家正青絕
曉窓吟髭鬢

過代

金波曾醉鴈門州端有人間六月秋千古河山碓朔部四時風
月入南樓漢家戰伐雲千里唐季英雄土一丘繫馬曲欄搔首
望晚來閑殺釣魚舟

靜陽道中

踞轉山腰步步迷高林淺水下回谿
薔花釀蜜蜂貪腹栢葉儲香麝
養臍不覺困來尋短夢偶逢佳處入新題
何時更到園林寺看遍峯心處處低

題郝運使榮歸堂

翰墨声名四十年歸來還作地行仙
柴桑問路陶元亮洛社休官白梁天
拄杖扶兒還客拜畫圖繪老聽人傳
窮秋兩慘陂田出想見騎馭興眇然

遊却家瀑

山崦人家半夕陽倚牆爭看騎紅粧
野泉自入他州界古碣猶存舊姓鄉
蛇出廟墻神古柳牛尋沙瀑憇柔葉
蟬聲抵死催歸騎辜負庭陰一枕涼

題近侍局使聚扇

早朝携入紫微宮日用都歸掌握中
運動樞機真有送卷藏懷袖不言功
宸庭永日更番暇水殿微涼侍宴終
願以微軀奉清燕仁聲宣布舜絃風

張清猷公慶八十壽

富貴康寧存八旬明時已得自由身
官途班列聯三事家法中朝第一人
踈傳未歸東海郡白公獨享洛城春
籬金換得傳經

業留與玄城贊化鈞

富貴取與上方

山近西臺易夕陽煙東臺占得夕陽偏貪看歸鳥過林隙不覓
奇峯墮眼前土竈夜燒松葉火石盆曉漱菊花泉丹梯橫絕青
山踏勸子先參馬道玄

題右丞畫荷篠圖

杏花菖葉兩聲春耳作明時荷篠身只道烏鴉猶父子豈知蝼
蟻亦君臣杖頭日月挑周器松下衣冠自舜民好在丹青玉右
轄解迴枯槁入陶鈞

遊上清宮

霜葉蕭蕭覆井欄朝元閣上玉筆寒千里遼鶴歸華表万里宮
車露泣盤日上霧塵迷碧瓦夜深月露洗荒壇斷碑膾炙人何
在吏部而今不姓韓

其二

暇日登臨近吹臺夷門城下訪寒梅鰲頭陀日幾人在樽酒而
今一笑開秋潦滲餘村逕出夕春鳴處野禽來醉歸扶路人爭
看知是許僊闌苑迴

送月上人赴少林

隻臂伽黎不作難將心到處遣人安瓶離汴水秋冷風錫入嵩
峯夜月寒篋裏贈詩更兩曬囊中施鉢對風餐心知擬就東林
宿已向林梢薦刺竿

登定安閣

翬飛高閣迥凌虛中有盤：一塔孤千里河山隨指顧諸天日
月遶彌盧神超罔象遺身世眼尽蒼茫一有無便欲乘風遊汗
漫愴然回首念南都

許州襄城縣進嘉禾合穎應制

襄城城下壤歌傳驛奏加禾到日邊穎合周王新雨露畝分黃
帝舊山川太平氣象照珠琲明德馨香列豆籩萬國和同歸帝
治古書願獻補遺篇

陳州進黃鸚鵡應制

隴鳥明時亦效祥天教合侍赭袍黃九重城裏駢鶯舌百子池
邊借鵲裳夜臂翠簾條脫市春籠珠殿荔枝香紫宸朝退鳴稍
遠偷學山稱萬歲腸

寄陳正叔

渺：西風去翼輕霜林楓葉動秋聲高印竟秀容多可河洛爭
流忌獨清廣武山川留故壘城隍草木閱空城憑高一掬英雄
淚付與窮途阮步兵

贈磨鏡李先生

自笑年來白髮公丹砂不肯借顏紅分無海上三山藥來訪人
間百歲翁黃瀆何曾沈月明青天元不礙冥鴻何時相約丹元
子便欲困之乘晚風

記夢

六年京國鬢塵黃一望家山一斷腸病後始知謀退晚夢中猶
記和詩忙風來竹裏娟娟好水過花間冉冉香夢句學道無成

還自笑人生習氣果難忘

登天壽閣

人間赤日無處避
天上雲居即寶坊
鳥飛無礙長空闊
人意自生高閣涼
風來為作不請友
午夢徑到無何鄉
黃昏索馬出門去
猶望東華塵土黃

和劉雲卿

屏山後使人悲
此外交親我與雷
千里老懷何日寫
一主笑口幾回開心知
契闊留陳土時復
登臨上吹臺
目極天低鴈迴處
西風忽送好詩來

和種竹

君家種竹五七箇
我亦近栽三數竿
兩地平分風月破
大家留待雪霜看
土膏生意葉猶卷
客枕夢魂聲已寒
見此又思君子面
何時相對倚欄杆

寄元裕之

久雨新晴散痺頑
一軒涼思坐中間
樹頭風寫無窮水
天末雲移不定山
宦味漸思生處樂
人生難得老來閑
紫芝眉宇何時見
誰與嵩山共往還

送宋飛卿

雄豪而妙秀而文
不獨吾雲人亦云
賀監早知仙李白
薛宣那得吏朱雲
秋風汴水傷今別
明月郊郊與子分
瘦李之髯雷隔存沒只愁詩壘不能軍

其二

未能免俗聊從宦遙望孤雲憶舊廬不樂徑歸真吏隱得閑隨
分寄僧居閔山牢落三年夢行李蕭條一束書想見蓮花峯下
過踏人遙指倒騎驢

至日次劉雲卿韻

此生天地一陳人百歲三分過二分老去光陰空惜日愁來世
事獨看雲靜中剝復觀消長身外榮枯聽糾紛猶有憂時心未
已臥聽兒誦戰場文

百五日獨遊西園

西園啟鑰起芳塵滿眼風光不屬春樓閣人非空似舊點山嵐
久却成真斷橋沒板橫斜艇古木欹垣礙去輪老去搜詩厭雕
斲晚風吹水白鱗

和欽止河中即事

鷓鴣樓前一望時長河寂寞送斜暉人歌人哭幾興廢年去年
來今是非寒雨涓流人斷渡秋風汾水鴈來稀千村萬落生烟
靄更許砧聲暮搗衣

弔袁用之

卜築中條四十秋安排佳處近休休隱居境為王官勝仙伯名
因少室留架上殘書反燼冷囊中妙藥鬼神偷傷心天柱峯頭
月曾照先生杖屨遊

古瓶蠲梅

石冷銅腥苦未清瓦壺濕水照輕明土花碧暈龍紋蓋燭淚痕
踈鴈字橫未許功名歸禹鼎且容風月入瓶罌嬌黃喚起昭陽

夢寐苑淒涼草棘生

雪意

門巷蕭條日易曛
豆稽灰欲落江雲
眼花淡淡初疑見
耳重滿瀟竟不聞
便可一盃平體粟
不須六出點衣紋
慙慙急遣蓬萊使
探到梅花破幾分

栗

漢陽上谷晚風寒
秋入霜林粟玉乾
未拆樓桐村萬殼
乍分混沌出双丸
有朋宴罷煨秋熟
兒女燈前爆夜圍
千樹依稀對碧崖
且防園芋勸如餐

憶橙

悵望天涯驛騎塵
政須玉甲破芳新
可憐虛度梅梢月
無計相陪竹葉春
三日手香頻入夢
一年秋好不關身
快須準講新詩句
儻有金苞贈故人

射虎

眼光百步透林寒
抵死嗔人守九關
只道草中藏白額
豈知世上有黃間
才聞父老愁三害
倏見熊羆寢一班
寄謝咸陽歎黃

犬何如霧豹隱南山

西風入東冬至

天時人事不難量
消盡群陰又一陽
千里家山憑夢到
數莖白髮為愁長
老來度日惟經卷
病後關心祇藥方
六十之年今過五
不須苦死問行藏

菊

水冷雲疎木葉黃
送雁南翔酒傾桑
落林廬靜秋入騷
人齒頰香人惜後
期霑雨露天教晚
節傲風霜憑誰寄
語陶元亮不為南
山與自長
西風吹葉靜千林
獨有幽香伴苦吟
細葉官槐舒碧皺
小花佛頂暈黃深
誰憐細雨情何限
可忍清霜瘦不禁
寄語兒曹莫輕折
重陽留待付孤斟

九月十一日夜對月

無花無酒過重陽
轉覓閑居興味長
明月豈隨人薄厚
黃花不逐世炎涼
閏年節晚初過鴈
老境衾寒知有霜
清境喚迴蝴蝶夢
起尋竹影據胡床

答趙慶之節使

故人別後定何如
春鴈來時忽寄書
壯歲從軍幾人在
老來分守五年餘
掛冠無計追弘景
襤被何時行魏舒
遙想西州賢父老
瓜疇閑伴故侯鉏

題劉萊州像

當年二老趙張儔

王脩然知府
焦明鏡運使

獨許先主第一流
異政曾聞山

鬼伏直聲須向古人求
從來走卒知司馬
到處兒童說細侯
惆悵當年日遊處
羊曇不肯過西州

九日會極日亭

孤亭高壓冷雲堆
九日登隨貫酒盃
魏國河山殘照在
梁王臺殿野花開
鷗從白水明邊沒
鴈向青天盡處回
未必龍山如此

會塵中三館盡英才

再和

秋興高於灑瀨堆秋光併入阮公盃霜凋蒲劍三稜折雨裂荷

衣十字開北鴈遠浮梁水動南雲低抱楚天回年前此日登高

會點檢唯無短李才

謂屏山死矣

道傍古塚入荒榛下馬摩挲漢八分

謂誰黃天無老眼却令大

鳥泣孤墳獨攜一盞霜風酒一酌三峯日暮雲李杜就誅鉤黨

起可能天下獨傷君

過汾州

地靈物秀古稱雄前有汾陽後范公千古山川形勝地兩朝人

物畫圖中一家忠厚餘風化七月蚕桑詠女功誰識聖賢遺意

在黍離篇末繼函風

其二

遙看涇水遶城流下盡坡陀始見州歲暮簡書催出塞天寒風

雪送行輶坡田井井龜圖益山踞盤盤篆印繆更款慙慙訪陳

迹夜深燈火伴牢愁

過慶陽

地形占得古金湯感雜當時幾戰場父子一家三范帥功名異

代兩汾陽四山帶郭環天險二水分流會女墻想見公堂無一

事臨川閣上日飛觴

暮春得寒字

九日聊偷一日閑三分春色二分闌鄉閨夢裏人空老風雨夜
來花更殘乍坼甕泥糕酒熟未開火禁粥錫飭寒何時投効歸
田去楊柳陰中把鉤竿

秋雨

十月秋霖不出門前流水似江村牆頭大竹於母砌下老桐
今有孫澤鴈背飛驚吹急濠魚逆上避河渾秋風未得乘槎便
擬控扶搖北海鷗

百塔

松林橫截東南野蘭石斜連子午庄平楚風煙開鄂社斷碑歲
月自隋唐接頭山入詩人座砌下泉分衲子房更欲秦川窮勝
槩却從高塔望雲陽

過石氏園

天教居

石氏園亭竹一園眼前勝事只心知幽禽有語能留客流水無
情自入池客裏歲華將盡日梅邊春信獨來時醉吟吟後無吟
者又得閑閑一首詩

上巳遊西園分韻得蘭字與楊礼部携同院諸公賦

相逢草草即盃盤誰識吾曹箇裏歡燕蹴簷花墮茵席魚搖波
日動欄杆無窮照影溪柳不住吹香晚蘭已屬清明連上
已更容飛蓋接鴛鴦

其二

跨鳳騎麟玉笋班蹇驢不作杜陵酸已煩塹紙畫陳迹更許仙
舟泛碧瀾酒令致師嚴細柳詩朋麈戰劇旱蘭遊頭却近瀛洲

去夢竟揚州雀背寬

挽劉雲卿

人物于今歎渺然如君才德幾人全忠言唐介初還闕道學東
萊不假年黃壤苦埋經世志青氈未了讀書緣西園酬唱空陳
迹淚灑南風篋素戕

楊尚書宮真雪作擬應制作詩某時在殿聞而和之

霰雪霏照玉英玉堂鈴索悄寒生也應天上多端葉無賴人
間化有城鬼苑因之賢者梁羊羔加以聖之清吾曹安預籌邊
事且及新年賀太平

黃昏陡覺悄寒生漏溢銅壺第幾更未放六花齊苑樹先留半
月抹宮城一陶風俗還純素尽領乾坤入太清應似上方觀下

界放教双眼一時明

二月見梅花

不應開處避嚴冬無賴春寒雪尚封縱使風霜欺爾瘦可能桃
李為君容厖眉都尉嗟何晚飛騎將軍歎不逢畢竟榮枯無定
在此花勸汝倒金鐘

春寒花較遲

吟懷常恨負芳時及至春來雪尚滋榆莢半含椒粒色柳條未
變麴塵絲牆陰更覺花開晚水冷應知鴈到遲慚愧蓬萊老仙
伯已迴和氣入新詩

寒梅不作白頭新

相對依依似故人要伴賓鴻并社燕未隨流

水與紅塵空枝擬折猶堪喫殘榮重看不厭頻日是東皇催鼎
食無情風雨不關春

醉山園味杏花

香傳微雨隔簾櫳十載航舡不負公愁見餘春紛雪白且看初
日眩霞紅兩株副使鶯吟裏一色新郎馬足中投老安能知許
事一鞭農事趁春風

此近体字樣詩
非詩也悚愧

度學士叔猷七秩壽

乞得閒身七十餘知幾初不為鱸魚胃中幸有平邊策林下聊
觀養生書收拾雲山歸蠟屐卷藏事業入籃輿君王肘解思頗
牧未許先主作隱居
卜築龍潭德不孤盧鴻新有草堂圖四朝人物今註在二老風
流與我俱把酒笑談猶解醉上山筋力不須扶文章不遜年齒
改能為開興作頌無

訪天寧周老

前致仕後

弊策羸童負束書清晨渺一獨騎驢乍辭天上尚書復來訪雲
間大士居覽鏡年年非復我照溪處處得逢渠從今莫訝經過
數乞得閒身頗自如

閑閑老人滄水文集卷第七

壬戌臘月念有三日甲夜校連日大雪繼而大雨清常道人記

閑閑老人滄水文集卷第八

律詩

春遊

草荒一徑抱村斜日暮歸初拜掃車猶有飢鴉來攫肉覘人飛
下杜梨花

無數飛花送小舟蜻蜓疑立約絲頭一溪春水無情甚駛作風

前万疊愁

樹藏脩竹藏門外清流幾股分行過小橋人不見背陰花
氣隔牆聞

煙外絲風柳斜春光也目到天涯太平有象村村酒寒食無
家處處花

題扇頭

文書勾引黑甜鄉倦挑拋書千夢長夢裏暮聲驚兩電覺來腮
隙有斜陽

平湖戲鴨圖

平湖飛下感双紋翻動江南水底雲盡日自來還自去塵埃滿
眼不如君

暮歸

貪看孤鳥入重雲不覺青林兩氣昏行過断桥沙路黑忽從電
影得前村

正覺院

齋時一鉢僧上堂履声如水度秋窓秋陽滿地槐陰薄出鳥飛
來施食懂

登高頂

危躡高山頂上來五髯龍對八仙臺不知眼界隔多少直盡黃
河一曲迴

少林

只麼西來生面牆更無一法付神光少林自有吹毛物三十六
峯如劍鉞

石樓

月約風期屢往還水聲山色石樓間大家也入香山去那箇心
如日傳開

嵩山道中

嵩山道中

為愛青山懶着鞭
吟詩時作鶴頭偏
驀然得句驚飛鳥
撲簌巖花墮馬前

屋頭山色靜無埃
竹裏柴門水際開
驚怪籬中天迎吠
有人知目碧高來

李取險題南城樓

樓上遙看郊外村
不須騎馬坐平分
人家應在青山外
有時歸牛下白雲

香巖寺壁

一夕秋風變素商
蕭蕭雲物換新涼
片雲不作前溪雨
飛過高城有底忙

題扇頭

魏三句裏數聲櫓
秦七詞中萬點鴉
好在團團明月底
一彎流水幾人家

三月院對月

何年覲佛月天子
各以室花樓閣俱
為問上方銀世界
不知有此夜寒無

清居寺五杉亭觀于野留題

五杉亭下祇三株
曾是詩人歎息餘
君去我來杉尚在
斷腸君沒見君書

題山中回春谷

冰崖雪柱道人家
谷榜回春事已夸
却恐陽和在泉底
未春光發恐冬花

秘魔巖

鐵鑊閔藏五百龍文殊遊戲作神通
山僧要辦金剛眼莫謂魚
鰕在此中

登萬聖閣

中州之山臺山高遍尋五頂無乃勞
老去看山無脚力直憑一
閣了秋毫

馬尾

天外亂山為曠野水邊孤塔背層城
馬頭才指柔乾路愁見行
人問去程

趙橋

天垂曠野初疑合地轉深巖忽似窮
隅向高崖聞笑語寒春一
帶夕陽中

雞鳴山

煙蒸山腹晴猶濕河帶水澌暖漸流
獨上雞鳴看日出五雲多
處是皇州

盧溝

河分橋柱如披蔓踏入都門似犬牙
落日盧溝上柳送人幾
度出京華

漁陽道州

盤山曾借上方眠落月蒼響石泉夜半
峯頭聽鳴鹿半崖松
子落堦前

達北京

相府香苔坐入中

小車日、碾征塵卧即看書坐久伸露宿風餐二千里青山無處不隨人

盤山曾許龍山怪松月宮醫石果與牛本似龍山牛本似龍山自笑書生骨相窮倒騎馱看兩三峯天東稍喜無碑讀踏雪還來看怪松

東京見梅一情門以天下日日盡帶一上門入幾二月天東凍未蘇梅花市骨也清癯一枝萼綠來千里為問東君管得無

幾家籬落枕江邊樹外秋明水底天日暮沙禽忽竊起一痕衝破浪花圓

北都雪望

千山雪尽出樵車一迳雲迂去似蛇小屋平頭墟落裏炊煙起處是人家

北都小雪

邊城小雪試年華煙冷貌貅十萬家探使不來人半醉將軍壇帳卓平沙

龍香亭

小橋虹影絕波光面面荷花鏡裏粧風月要知無尽藏一亭分作兩亭香

黃堂公退吏人稀露下西溪雀未知一榻清香無着處晚風殘月獨來時

錦波亭

柳影携書步晚涼清溪放闌水泱泱
中經緯天機錦開却小亭風露香

雨晴

東風時送瓦溝聲欹枕幽窓夢自驚
睡起不知雲已散夕陽偏向柳梢明

一抹平林媚夕暉山煙漠漠燕飛
倚欄遙認天邊電何處行人帶雨歸

靈感寺

斜廊深院斷人行雪聚松子立
鳥清僧臘數殘門乍啟鷲飛評語獨含情

青山隱隱入煙微一日看山坐
水涯何事晚來風截斷偶看白鳥過林時

雞鳴山下橋

兩山相對翠屏開一水中流礙石迴
橋北橋南踏分處紅塵一騎日邊來

和舜元雜詩

瘦馬龍鍾兩鬢華敲門避雨野人家
門前籬落猶懸露十里晚風吹斷霞
三五殘星闕角東淡黃楊柳月明中
貪看稚子收殘葉駐馬天街滿袖風

聖安小集

松軒却扇風仍好苔徑無花雨亦香門外市聲塵千枕老僧元
不下禪床

和子約五春
唐虞禮樂歲元新齊魯中書有大臣泰和三年調玉燭衣冠五
國拜王春

二青圖

大青天驥之雲仍小春八尺猶龍騰三十年来無汗馬不將遺
像鑄興陵

古北口

幾家墟落兵戈外數畝荒田谷澗中日暮圍場來野鹿令人長
憶筆頭公

撫州

蕭寺金風動刺竿西城北斗挂欄干一虫不響夜更靜片月未
高山已寒

燕腸城邊春草生野狐嶺外斷人行沙平草遠望不尽日暮惟
有牛羊聲

北苑寓直

柳外宮牆粉一圍飛塵障面倦斜暉瀟瀟幾點連塘雨曾上詩
人下直衣

寓望

蒲根閣上亂蛙鳴點水楊花半白青隔岸風來聞鼓笛柳陰深
處有園亭

戴花

病來酒盞懶重持強為殘花折一枝人老亦悲花亦落東風莫
近鬢邊吹

玉堂

玉堂看到午陰移日薄春閑下直遲
快喜交番旗脚轉隔牆送
過小桃枝

玉堂陰合冷窻紗雨過銀泥引篆
蝸萱草戎葵俱不見蜂聲滿
院採槐花

西溪

山根西北塵沙少水際東南風月寬
夕日朱門人不到見鷺引
子傍欄干

夏直

玉堂睡起苦思茶別院銅輪碾露芽
紅日轉堦簾影薄一雙蝴蝶
蝶上葵花

過邯鄲

十五年來叅一炊叢臺重覓旧題詩
而今馬上行人老不似當
初過趙時

臨洛

聰山洛水送還迎世事浮雲幾變更
白髮重來相識盡逢人欲
問小時名

真際栢

趙州東院庭前栢二百年來屈鐵柯
莫怪兩株纏欲死後來禪

客葛藤多

淳沱

淳沱一箭截天來六月冰雷打土崖一夜北風吹岸改直從中

度擇船迴

題閣立本職貢圖臨本

周王職貢朝萬邦右相丹青古無雙好本不應天下獨解如明

月印千江

金犀劈面覘天庭王會圖中見典刑已了宣威沙漠事更煩石

相寫丹青

墨梅

畫師不作脂粉面却恁傍人嫌我真相逢莫道不相識夏復從

來玉逐人

香山

山秀薰人欲破齋臨行語別更徘徊筆頭滴下煙嵐句知是香

山境裏來

夏日

樹木交陰鳥自呼
殘夢破華胥
虛簷一道風如水
展盡床

頭幾葉書

太寧吟詩臺

易州山水甲天下一日太寧如死灰
山意似羞人
識面兩昏垂

相賦詩臺

涑陽道中

石頭聲响水縱橫人在青山影裏行
忽悟過溪驚笑語斷崖茅屋暮春聲

昌平秋梁公廟
力扶滄海將頽日日送西山不盡雲一色豈能專惠愛至今天下不名君

燕
宦遊憐我食官倉贏得青三兩鬢蒼
不會無情双燕子南來北去為誰忙

靈峯院

天門劃斷兩崖青柱杖靈峯頂上行
一片白雲巖下起不教眼力盡東溟

湧雲樓雨

片雲頭上一聲雷欲到冠山風引迴
窓外忽傳林葉響坐看飛雨入樓來

簾兩風斜不上鉤欄干吹濕怕人愁
雷聲驅雨東山去指下斜陽恰半樓

樓上

樓頭四面好風生下與遥山一樣平
睡起紗幮欹枕處恰如水底看雲行
山城過雨怯衣單清曉樓頭六月寒
却喚奚奴添半臂要乘涼氣倚欄干

登晉雲閣

坡陀勢盡晉川開一線汾河掌上來斜日西風倚高閣白鳥飛
過天門回

中山會故人
三十三年後夢魂故人老
一身存燈前細滿當時話
別後相思誰與論

下直

綠槐陰裏鳥呼風
退食涼生襟袖中
滿地綠苔承步障
鞦韆花無蒂落深宮

潭上

倒影花枝照水明
三三五五岸邊行
今年潭上人遊少
不是東風也世情

日斜飛盡往還來
塵為怕春愁
戀酒樽醉裏不知歸
去晚先聲著顚華門

宿五佐

鞍山柘水事茫茫
猶記同遊宿上方
老大重尋窓下宿
殘經挂壁故人亡

燕子圖

一別天涯十見春
重來白髮一番新
心知盡話春愁處
相對依然如故人

祝爾區區万里身
錦書回寄莫辭頻
而今塞北看双翼
多少中原失意人

交親消息兩何如
滿眼兵戈不得書
為問南來新燕子
銜泥曾

復到吾廬

送人之河中

功名蟻穴夢南柯投老空門不較多
試看鐵牛無用用橫身終古負黃泉

題李平夫畫黃山蹇驢詩圖
浮光林杪水參差意想先生得句時
千古黃山山下踏蹇馱不是少人騎

三十年前濟水東詩中曾識蹇驢翁
而今畫出推敲勢却恐相逢是夢中

中秋日郊外遇雨
斜風吹雨水生寒荷蓋傾珠下穴盤
驚起鷺鶯眠不得衝煙飛

過蓼花灘
登定安閣

春風吹袖著欄干薄霧初收雪未殘
擬折梅花遮遠日愁看直北是長安

滎陽古槐

滎陽縣東千古槐人言曾見漢朝來
不知幾覺南柯夢直至如今喚不迴

虎牢

兩山峽東枕洪濤自古英雄爭虎牢
蒼天胡為設此險長使戰骨如山高

新安道中

草根啾唧候虫鳴月黑山腰信馬行夾路水聲長在耳六根无
得一根清

西山丸末并共書自古海華年說平會天陽山始山劍女大

庚平

今無不取

崇德縣東千古懸人言曾見美隨平不取幾貴南何等耳其如

是是是也

是是是也

春風六兩首關千載詩何人遺未及鐵如附外無遠日忽首耳

是是是也

閑閑老人滄水文集卷第八

同刻校清常

卷之四